

Kantri bai yusim olpela voting sistem



LONG NATURE PAK: David Miae i gat 9-pela krismas na Rihanna Gevokila i gat 7-pela krismas i amamas wantaim planti arapela skul pikinini na bikpela manmeri long selebretim Wol Envairomen De long Nature Pak long Yunivesiti.
Poto: Veronica Hatutasi

Stanley Nondol i raitim

PAPUA Niugini bai yusim olpela sistem bilong vot long 2017 ileksen bikos program bilong gavman long vota rejistresen na Nesenel ID projek bai no inap pinis insait long 18-pela mun bilong bungim 2017 nesanel ileksen.

Minista bilong Nesenel Plening Charles Abel i tokaut olsem ilektorel Komisin i go pas na wokim Vota rejistresen iD na Nesenel Plening Dipatmen i go pas long wokim NID projek tasol tupela projek wantaim bai no inap pinis insait long tupela yia.

Olsem na PNG bai yusim olpela sistem bilong vot long 2017 nesanel ileksen.

Mista Abel i tok gavman i go pas long mekim dispela projek long daunim pasin korapsen olsem dabol voting, vot long gi-aman nem, vot long nem bilong man i dai pinis, na daunim ol arapela hevi i save kamap olgeta taim long taim bilong ileksen. Em i tok olsem em mas tok stret na tokim kantri olsem dispela projek bai no inap pinis long taim.

Ilektorel Komisin opis i mekim vota iD long kantri we em i rejista long nem bilong ol vota wantaim iD poto bilong wan wan man na Nesenel Plening Dipatmen wantaim Nesenel Statistik Opis i wokim NID projek we em rekotim olgeta infomesen o baio data bilong wan wan man, meri na pikinini.

Minsita Abel i mekim tok klia long bekim askim bilong memba bilong Chuave, Wera Mori olsem planti toktok kamap long publik olsem NID projek i ran isi tumas na planti pipel i no rejista yet.

Mista Mori i tok i gat 18-pela mun tasol i stap long 2017 ileksen bai kamap na tu opis bilong ilektoral Komisin i mekim vota rejistresen na ol pipel i paul long tupela projek.

Mista Mori i askim Minista Abel long tok klia long wok tupela opis i mekim na askim sapos tupela projek bai pinis bipo long ileksen i kamap long ol pipel bai yusim NID o vota rejistresen long vot long 2017.

Minista Abel i tok vota rejistresen na NID wok bilong tupela em i wankain na tupela bai bungim ol infomesen long helpim tupela long kamapim gutpela rekot bilong olgeta sitisen long kantri.


Em i tok NID projek we gavman i kisim K50 milien dinau long Exxim Benk long Saina we dispela projek i wok long go het long kantri. Em i tok NID em i no bilong vot long ileksen tasol. NID em i bilong kisim infomesen bilong olgeta sitisen bilong PNG na kamapim databes long gavman bai plenim ol developmen long ol yia i kam.

Gavman long baset bilong em long 3-pela yia i putim K240 milien long mekim NID projek. Na NID tim i stat long ialaibu Pangia distrik. Ol i traim long Pot Mosbi tasol planti man i no go rejista.


Em i singaut long ol pipel long no ken paul olsem NID em i no bilong vot o ileksen tasol.

Tasol em i tok wanem infomesen NID kisim bai helip ilektoral Komisin long stretim komon rol.

Mista Abel i tok moa olsem ol pipel mas i no ken pret long rejista long NID projek. Em i tok planti pipel i bilip long sampela bilip long lotu na faulim tingting bilong ol yet. Tasol dispela em bilong gutpela bilong kantri na singaut long ol pipel mas go rejista na mekim isi long ol sevis ol bai kisim.



Catholic Reporter



Challenging Sorcery Accusations...

Bilong mun Jun 2015
i stap insait -
P 9, 10, 19, 20



“Don’t miss the games action!”

Purchase your airline tickets now!

Air Niugini
www.airniugini.com.pg
EXCLUSIVE CARRIER FOR THE 2015 PACIFIC GAMES

2015 PACIFIC GAMES
OPENING CEREMONY
AT JOHN GUISE STADIUM
ADMIT 1

Polis bai kamapim Famili Seksuel Vailens Yunit

ROYEL Papua Niugini Konstabuleri (RPNGC) i sanap pinis long kamapim Famili Seksuel Vailens Yunit (FSVY).

Long yia 2007 long mun Jun, komisina bilong polis long dispela taim i bin givim aut Polis Sekula long ol polis i mas kamapim ripot bilong Famili Vailens (FV).

Dispela polisi pepa i givim pawa long RPNGK long kamapim FSVY opis insait long ol provins.

RPNC i wok bung wantaim helpim bilong Australia, em Papua Niugini na

Australia Lo na Jastis Program (PALJP) insait long 5-pela yia na nau ol i redim mani long kamapim FSVY insait long 14 provins.

PALJP-trensisenel program i kirapim FSVY long Kerema, Mendi na Tari Polis Stesen. Na long las mun, PALJP i givim nupela 8-pela 10 sita i go long FSVY insait long kantri.

Konstabuleri bai skruim wok bung wantaim FSVY long wanem, ol i kamapim FSVY em i bikipela visen bilong RPNGK long givim sevis long husat ol i gat nid.

Ekting Deputi

Komisina Oprensens, Jim Andrews, i tok aut long Riferal Patwes Woksop long las wik Fraide olsem RPNGC i save pinis olsem Famili na Seksuel Vailens (FSV) em i bikipela wari bilong PNG, long wanem, em i kamap bikipela pinis na bagarapim gro bilong pipel, gro bilong ekonomi na kantri.

Mista Andrews i tok Barrick (Porgera) Gol main i sanapim FSVY pinis long Porgera na em i wok strong we namba i go antap long 14 olgeta.

"Konstabuleri i kamap papa pinis

long ol hevi i stap wantaim FSV na wokim FSVY opis long olgeta Provinsal Polis Stesen," Mista Andrew i tok.

Andrews i tok moa olsem, insait long ol opis ol i wokim pinis, em i helpim ol long sevim 30,000 laip bilong ol manmeri long yia 2009 i kam antap long yia 2013, husat ol i kamap long FSV.

Tude, polis bai kamap papa na lukluk long FSV bai no ken kamap bikipela insait long kantri.

"Ol pipel bilong PNG i mas wok bung wantaim long stopim FSV na yumi bai gat gutpela sindaun long tumora," Andrews i tok.

Morobe gavana i tok Lae Siti Atoriti i no stret -Loujaya Kouza i kamap siaman

Stanley Nondol i raitim

GAVANA bilong Morobe Kelley Naru i tokim Praim Minista Peter O'Neill na ol memba bilong palamen olsem Lae Siti Komisina (LCC) i no stret wantaim ogenik lo na askim Mista O'Neill long holim bek tasol gavman i yusim namba pawa na kamap lo pinis las wik.

Gavana Naru i tok Morobe Provinsal gavman o Tutumang i no givim tok orait long LCC bai kamap na sapos LCC i kamap em bai hat long mekim wankain wok em Lae Siti Kaunsil i mekim nau na tu boda mak bilong LCC i no klia long dispela taim yet.

Gavana Naru i tok Morobe Provinsal gavman aninit long ogenik o mama lo i mas

givim tok orait long LCC bai wok bikos em i gat pawa aninit long lo na dispela ogenik lo i no senis yet.

Mista Naru i tok moa olsem Morobe provinsal gavman aninit long ogenik i mas givim tok orait long wanpela MoU tasol dispela i no kamap yet.

Em i askim Praim Minista O'Neill long holim bek bilong LCC long Tutumang bai holim miting wantaim gavman na stretim sampela bilong lo insait long LCC bil.

Tasol gavman i yusim bikipela namba pawa na oraitim bilong LCC bil wantaim 69 vot na memba bilong Lae Loujaya Kouza i kamap siaman.

Praim Minista Peter O'Neill husait i go pas long dispela bil i tok Lae siti em i gro na i gat nid long putim

LCC long lukautim na mem- esim siti long ol wok olsem gutpela rot, kilinim siti, givim gutpela wara saplai na ol arpela sevis.

Mista O'Neill i tok klia olsem em i kisim gutpela ligel edvais na opis bilong Pablik Solisita i kamapim gutpela lo na i no gat asua i kamap wantaim ogenik o mama lo bilong kantri.

Mista O'Neill i tok moa olsem wankain lo bilong LCC bai kamap long Maun Hagen siti na Kokopo na dispela LCC lo i opim rot bilong Maun Hagen na Kokopo.

Bihain long planti tokpait namel long gavana Naru, deputi oposisen lida na memba bilong Bulolo wantaim lida Don Polye na ol gavman minista, gavman i oraitim LCC bil gat bikipela namba long las wik.

Palamen oraitim Lukautim Pikinini Ekt tasol bikipela salens stap yet

-ol yangpela i mekim mani long pasin i doti

Stanley Nondol i raitim

BIKPELA salens i stap yet long gavman i mas lukluk long stretim lo bilong banisim ol pikinini long dispela taim bilong infomesen Teknoloji.

Gavana bilong Oro Garry Juffa i tokim palamen long taim bilong dibet bilong Lukautim Pikinini Ekt las wik Fraide olsem, nupela lo palamen i oraitim i no lukluk long rot bilong banisim ol yangpela pikinini nau wok long stap long ol pasin doti wantaim helpim bilong Teknoloji olsem intanet na mabail pon.

Minista bilong Komyuniti Developmen Delilah Gore long stetmen bilong em i tok nupela lo bai mekim save long papamama husat i no lukautim ol pikinini bilong ol na lukim ol pikinini i kam pulap long strit na singaut long ol helpim long pablik.

Minista Gore i tok nupela ekt em bilong givim bek wok bilong lukautim pikinini i go bek long papamama na ol atoriti bai sekim planti ol senta i kisim ol pikinini long strit mekim mani na kamap ris.

Gavana Juffa i tok planti ol yangpela pikinini gel long ol setelmen long Pot Mosbi na Lae i go insait long ol pasin nogut long mekim mani.

Em i tok planti ol lain i wok long yusim ol na wantaim save bilong infomesen Teknoloji, ol man i wok long yusim ol yangpela pikinini (ol gel) long kisim piksa na mekim ol doti pasin na salim long ol klaien bilong ol na mekim bikipela mani.


Mista Juffaa Tokim palamen olsem dispela pasin i kamap nau long kantri. Em i tok i no min olsem yumi na lukim o

arestim ol lain i mekim dispela pasin i min olsem em i no kamap long PNG. Nogat em i wok long kamap long ol setelmen long siti.

Mista Juffa i tok no gat wanpela seksen bilong Lukautim Pikinini Ekt i tok-tok long rot bilong daunim ol dispela pasin no gut na i askim gavman long lukluk long kamap wanataim rot long daunim na stopim ol yangpela pikinini long dispela bisnis.

Minista Gore i tok planti manmeri i kirapim oge- naisesen long nem bilong lukautim pikinini i no gat papamama na askim long olgeta hap raun na mekim mani.

Em i tok em i wok bilong papamama na gavman bai sekim gut ol dispela lain i mekim mani na tu sekim ol pikinini na salim i go bek long ol papamama bilong ol.



Bmobile-Vodafone opim ritel stua long Jackson ples balus

L-R Siaman bilong IPBC, Paul Nerau, Sundar Ramamurthy, Group CEO, bmobile-Vodafone, Andrew Johnson - Siaman, bmobile-Vodafone traime ol nupela prodak bilong Bmobile-Vodafone long Jackson ples balus.



Talk more for just K1 a day

Subscribe to our K7 weekly pass. Dial *123*7#.

Get 7 days **UNLIMITED FREE CALLING** Between Bmobile-Vodafone numbers

20 MB Internet data

10 MIN Calls to any network in PNG

20 SMS Text to any network in PNG

Contact us now!
Customer Care 76003555
support@bmobile.com.pg

www.bmobile.com.pg

bmobile | vodafone

PC i toksave long redim sekyuriti bilong Pasifik Gems

POLIS Komisina, Gari Baki, i toksave pinis long Minista bilong Spot, Justin Tkatchenko, Minista bilong Polis, Robert Atiyafa na Gavana bilon Nesene Kepital Distrik, Powes Parkop long rot em bai redim sekyuriti bilong Pasifik Gem (PG), taim ol i bung long Polis het-kwata long Konedobu.

Baki i tok, "mi amamas long tokaut olsem, kod nem bilong Operesen Oda bilong mipela long 2015 PG em i Sef Gem, na mipela i wokim pinis na i redi long karim go aut."

Ol gavman ejensi na non-gavman ejensi i wok bung wantaim long helpim polis long mekim wok we gavman i givim long en.

"Task Fos i stap klostu na toktok wantaim Gems Oge-naising Komiti (GOC) long wanem plen na redi bilong ol i mas k amap stret we ol GOC i laikim long en," Baki i tok.

Komisina Baki i makim pinis husat komonda bai stap long wanem eria long taim bilong gem. Ol komanda bai no inap stap long ol eria bilong pilai gem tasol, ol bai stap long ol narapela hap i no gat gem long en tu.

Long taim bilong Gem, 4000 na moa pilaia, opisal na ol visita bai kam long PNG. Insait long ol dispela lain man-meri, Prins Andrew Duk of Yok na pikinini bilong kwin bai kam long PNG long opim PG.

Baki i tok moa olsem em bai salim toksave i go long Papua Niugini Difens Fos na Papua Niugini Koreksenel Sevis long salim ol wok man na meri i kam bilong wok bung wantaim, tasol ol bai stap aninit long koman bilong polis.

PNGDF bai salim 300 opisa na PNGCS bai salim 300 opisa tu. CS bai lukim ol gem insait long siti na DF bai lukautim ol wara na pawa long sampela bagarap bai kamap long taim bilong gem.

Dipatmen bilong trenspot bai givim 300 opisa bilong em tu long helpim Trefik Menesmen Plen long ol rot we kar bai ran i go insait long pilai graun.

Nesenel Kepital Distrik Komisina bai helpim long ol eria we em bai nidim bikipela seyuriti na ol pipel bai gat sef ples long stap insait long siti.

NCDC bai putim sekyuriti long ol ples kain olsem bas stop , eria bilong pakim kar na long ol narapela wankain ples.

Ol pipel i krai long gavman i no wok stret

OL pipel bilong Papua Niugini i krai long wanem ol liklik namba lain i kamap wantaim gridi na korap pasin long bringim PNG i go insait long bikipela hevi.

"Dispela em i mas stop tude," wangepela mausman bilong *The Voice of Melanesia* i tok.

Insait long populesen bilong PNG, 80 pesen husat i stap long rurel eria i no kisim wangepela gutpela samting long risos na bikipela mani kantri i kisim long 30 yia.

Long Novemba 1 las yia long yia pastaim, Yunaited Nesen i tok olsem developmen model bilong PNG i no wok gut.

Mausman i tok olsem, gavman i no givim gut sevis long ol grasrut insait long dispela 39 yia na ol bai senisim laip bilong ol long kisim gutpela sindaun long wanem, straksa na sistem bilong gavman na lo i no tingim sindaun bilong ol pipel.

Gavman i wok wantaim ol praiwet sekta na i peim ol wantaim bikipela mani olsem milien na bilien long ol, na i lus tingting long ol pipel.

Ikonomi bilong PNG i gro kwik taim insait long Esia Pasifik Rijon wantaim 16.8 pesen GDP long las yia, bikos PNG i kisim bikipela mani long ol main, ges na wel kampani, na LNG tasol, trutru mani i no kam insait.

Dispela wei em i daunim rait bilong ol pipel na i mekim kantri bilong yumi i stap antap long strong bilong ol narapela kantri.

Mausman i tok ol i karim aut pablik awenes trening insait long kantri long strongim ol pipel bilong yumi husat i stap insait long gavman na ol narapela sitisen tu long givim kot oda long ol 111 palamen memba long 26 Jun, 2015.

PNG em i pulap long ol gol, kopa na ol narapela mineral tasol ol pipel i stap yet olsem taim bipo.



Ol lain bilong Is Keip long Milne Be Provins i welkamim ol Oil Search rilei tim taim ol i kamap long ples bilong ol. Poto: MadNESS Photography

REGISTER ACTIVATE TICKETS!



Download and Activate the BSP Mobile Banking App for your chance to share in the 2015 Pacific Games Ticket Giveaway!




- 20x Family Packs**
(4x tickets)
General Admission.
- 1x Family Pack**
(4x tickets)
Major Giveaway for Sport or Venue Package.

* Only successful Mobile Banking App activation will be eligible.

1. Register for Mobile Banking
2. Download App
3. Activate **NOW**

DOWNLOAD NOW



320 1212 / 7030 1212 - 24/7

servicebsp@bsp.com.pg

www.bsp.com.pg



TIPNG i wari long mani i lus

Bmobile - Vodafone opim ritel stua long Jackson ples balus

TRENSPARENSI Intanesenel PNG (TIPNG) i lukluk long media olsem K8 bilion i lus long publik tras fan na i toktok yet wantaim ol opisa we ol pipel i bin makim long wok wantaim gavman long mekim wok painimaut long ol mani i bin lus.

Dispela kantri em stap aninit long han bilong ol akaunten husat i gat bikpela ekspirians, tasol ol i gat gridi pasin, na kisim ol publik

mani em i no gupela pasin.

Siaman, Lawrence Steven i tok "em i no gutpela pasin taim mipela i save olsem wanem hap mani i go na mipela i hait gen long painim dispela mani."

"Dispela K8 milion em mipela i ken yusim long wokim ol narapela gutpela wok we olgeta pipel bilong kantri i ken kisim sevis long en tasol ol i putim long narapela rot na em i no gutpela pasin."

Mista Stevens i tok moa olsem, TIPNG i gat plen long kam aut long ol korap pasin bilong ol narapela kantri na lusim ol lain i wokim stil pasin long han bilong lo tasol taim ol i les long painim dispela publik mani i lus, em i minim olsem yumi i strongim korap na stil pasin i go bikpela.

"Yumi i ken kisim ol man long narapela kantri long mekim wok painim aut ol dispela mani na putim ol man husat i kisim sam-

pela skel long dispela mani I go long han bilong lo, sapos mipela i no gat inap save long painim dispela rot we mani i lus," Mista Stevens i tok.

Dispela kantri bai holim APEC miting long 2018, tasol long CPI, mak bilong PNG i no gutpela.

TIPNG i lukluk long kirapim intanesenel level bilong yumi na yumi mas stap wantaim gutpela pasin na salim ol man husat i brukim lo i go long han bilong lo.

BMOBILE-Vodafone, long Jun 4 PNG i bin opim wanpela wol klas namba wan ritel stua bilong ol.

Siaman bilong Bmobile-Vodafone, Andrew Johnson husat i bin stap long taim bilong opim dispela stua, i bin tok olsem Vodafone em i wanpela bikpela na strongpela kampani long wol na em i gat 70 milien kastoma.

Olsem na em i gat bikpela bilip long wok bai kamap gut wantaim B-mobile long kisim olgeta hap bilong kantri taim em i kam bung wantaim Vodafone.

Siaman bilong IPBC, Paul Nerau i bin stap na i makim maus bilong Ministia bilong Stet On Enteprais, Ben Micah i bin tok olsem B-Mobile i kam long hatpela rot long tupela yia tasol IPBC i larim em i stap laip yet. stap strong yet na em i amamas long dispela bikpela mak i kamap.

"Nau mipela i stap long rait maket ples long Jackson ples balus. Em i tok amamas long bmobile woklain long kisim ples long ples balus. IPBC i laik lukim kampani bilong Papua Niugini bai kamap strong. Na wok wantaim NAC em mipela wankain kampani bilong gavman i bung wantaim na mekim wok bilong strongim nesen. Em i gutpela samting. 'Yumi bung wantaim bai yumi inap mekim', long olgeta SOE bai kam bung wantaim b-mobile. Olgeta SOE bung na wok wantaim na yusim gut na olgeta pipel long PNG bai yusim b-mobile fon.

Em i wol klas bikos em i namba wan taim long wanpela kampani bilong kantri go insait long stail bilong ol globol ritel stail aninit long Vodafone.

Globol tim bilong Vodafon i bin wok wantaim tim bilong PNG long kamapim wankain stua we Vodafone i save gat long ol narapela hap long wol. Em i gutpela tumas long b-mobile-vodafone long redim dispela stua long tok welkam long ol visita bilong Pasifik Gems we bai kamap klostu taim nau.

Dispela stua i givim gutpela lukluk na em i strongim moa pasin bilong bmobile-vodafone long tingting long laik bilong ol kastoma bilong ol. Dispela kain disain i save larim ol pipel long wokabaut i go insait long stua long wanpela sait na i go aut long narapela sait na lukluk fri long ol samting ol i salim na tu long kisim tok save long ol wokman na meri pastaim long ol i ken baim samting na i go aut.

Ol wokman na meri bilong dispela stua i bin kisim strongpela trening long save long helpim ol kastomas husat bai go long stua bilong ol na ol bai givim namba wan kain sevis olsem long ol narapela hap long wol Vodafone stua.

Siaman Johnson, i tok, "Patnasip bilong mipela wantaim Vodafone i bringim standet bilong wol wantaim gutpela we bilong ranim bisnis na kastoma sevis long maket bilong yumi. Mipela kisim nambwan sapot i kam long ol save man bilong Vodafone husat i gat moa ekspirians long telekomunikesen indastri long Yurop, Afrika, Midel is na Esia Pasifik."

Sundar Ramamurthy, Group CEO, bmobile-Vodafone i tok, "Sais bilong netwok bilong mipela i lukim 3G+

Ol kedet enjinia bai go long trening

AIR Niugini bai salim ol kedet enjinia long kens, Australia long wokim trening na wok wantaim, olsem nupela patnasip wantaim Hawker Pasifik na Aviesen Australia.

Dispela nupela wokbung em ol i tokaut long Me 29, 2015, taim ol Air Niugini kedet enjinia i go long Hawker Pasifik mentenens fesiliti long Kens ples balus long kisim

trening wantaim Aviesen Australia instrakta.

Long namba wan seleksen, 10-pela Air Niugini kedet enjinia bai stap tu yia trening wantaim ol Aviesen Australia long kedet trening skul long Hawker Pasifik.

Ol kedet ol bai go em Solomon K, Lindah Eremas, Elena Mai, Gavin Eron, Robstan Gare, Ronald K, Raphael Vagi, Damien

Kadiko, Kelvin Piongats na Nathan Ulstone na Air Niugini i baim tu million na moa AUD long dispela tupela yia program pinis.

Air Niugini Sif Eksekutiv Opisa Mista Foo i tok, "dispela trening em bilong kamapim bikpela save lain insait long kampani na, mipela i givim planti taim na mani long ollain i ken kisim wol klas trening. Namba tu presiden bilong

Hawker Pasifik, Jason Burzacott, i tok, dispela patnasip wantaim Aviesen Australia bai givim ol enjinia husat i gat inap save long Air Niugini.

Bipo, ol i no gat dispela kain trening na dispela em i namba wan taim ol bai gat trening long Kens na Aviesen Australia em i trening kampani bilong Kwinnslen Gavman we ol i kamapim long 2001.



Snek na lata...

Long taim bilong Environmen De, ol pikinini i amamasim ol yet long Netsa Pak long Botenikol Gaden las wik.. Ol i pilaim Snek na Lata gem.

Poto: Veronica Hatutasi

sevis long Pot Mosbi, Lae i go Maun Hagen, Wewak, Madang, Manus, Simberi, Alotau na moa bai kamap yet. Long taim mipela opim tupela kiosk long Visen Siti na Waterfront Foodworld, mipela i redi long opim nupela stua long makim nem bilong mipela long Lae na mipela i patna wantaim ol bikpela ritel sen stua olsem CPL, Seeto Kui na Papindo long bringim moa prodak bilong mipela i go long ol kastoma long olgeta hap bilong kantri."

Bmobile-Vodafone wol klas stua long Jacksons Intanesenel Ples Balus.



Baki i kisim sia

Philemon Tame i raitim

OL polis i wokim pereid long las Fraide long Bomana Polis Kolis, taim Komisina bilong Royel Papua Niugini Konstabuleri (RPNGC) Gari Baki i kisim sia na ol i tok gutbai long Geoffery Vaki, husat i stap komisina long pastaim.

Mista Baki i makim maus bilong 6,000 polis manmeri na i tok tenkyu na tok, Mista Vaki em i namba 17 Komisina long RPNGC bihain long PNG i kisim independens na em i sevim 45 yia bilong em wantaim polis fos.

"Mipela i gat bikpela bel sori long Vaki bai lusim polis fos na mi tu bai lusim polis fos wankain olsem Vaki, bihain long 4-pela yia kontrak sapos gavman i larim mi, tasol gavman i rausim mi long namel bilong kantrak taim, em mi bai lusim tu," Baki i tok.

Baki i tok gutbai na i tok olsem, "yu wantaim famili bilong yu i gat gutpela taim long bihain taim tasol, dispela em i no pinis bilong yu long helpim gavman na ol pipel wantaim

wok polis long wanem bai mi nidim helpim bilong yu wantaim ol narapela bipo komisina long stiaim mi long sampela wok mi bai no inap save long en."

"Mista Vaki em i A1 long disiplin, na soim ol yangpela na ol narapela polis manmeri long wokim samting stret na, em i no pret long korektim ol opisa long go bek gen long haus long katim gras gut, brasim tit, stretim ol yunifom na polisim but bilong ol, taim ol i no wokim olsem," Baki i tok.

Em i tok tenkyu long ol polis i pereid na tok olsem, dispela em i namba tu taim bilong mi long stap long opis. Ol i makim mi namba 16 komisina long yia 2007 na lusim sia long yia 2011, tasol mi go aut wantaim no gat luksave olsem tude.

Mipela i bin sainim tok promis na tok olsem, mipela bai lukautim na skruim lo, lukautim na strongim 8-milion pipel insait long PNG na ol opisa i mas no ken lus tingting long trening na disiplin long mekim gut wok.

68 kalabus lain long Buimo i ronawe

EKTING Deputi Komisina long Buimo Koreksenal Institusen long Lae, Dennis Piandi bai go long Lae long ripot long 68 kalabus manmeri i ronawe long las wik Fraide.

Long ripot i kam long Komanding Opisa bilong Buimo Koreksenal Institusen i tok olsem dispela bikpela bruk aut long haus kalabus i bin kamap long taim bikpela

ren i bin kam long san taim.

Long ol lain i ronawe, 53 ol i wetim nesenel kot long sampela bikpela asua ol i bin wokim na 15-pela em kot i kalabusim ol pinis.

Nain-pela ol i painim na holim ol pinis na tupela ol i kilim. Bikpela namba ol i painim yet em 47, na 12-pela i stap insait long kalabus pinis na kam aut.

Long dispela taim, namba bilong olgeta kalabus lain stap insait long Buimo haus kalabus em 758 na, long dispela namba 413 em ol i stap pinis long kalabus na 345 i wetim kot yet.

Komisina i makim taim long ol tim i wok long painim ol kalabus manmeri i ronawe. Sapos ol i no painim aut, komisina i tok long rausim ol memba husat i stap long wok long dispela taim.

Ol ripot i tok, ol gad i bin opim bikpela kompaun geit wantaim hai sekyuriti kompaun long larim ol kalabus manmeri long go long haus kaikai bikos, bikpela ren i pun-dau long dispela taim.

Bihain long kaikai, sampela manmeri i lukim olsem namba tu geit em i op stap, na kwik taim ol i kalap long liklik sekyuriti banis na ol i ronawe i go aut.

Ol praivet Sekyuriti kampani bai trenim ol gad

Philemon Tame i raitim

SEKYURITI Industri Atoriti (SIA) bihainim seksen 31, 32, na 39 bilong Sekyuriti (Proteksen)Ekt ol i makim long 2004, na i tok orait long ol tripela sekyuriti kampani husat i gat laisens long trenim ol gad husat ol i tren pinis na wantaim ol nupela manmeri husat i tingting long tren olsem ol profesnel sekyuriti gad.

Ol trening kampani ol i tok orait long ol bai karim aut trening em Black Swan International em i bes long Mosbi, G4S Secure Solutions (PNG) Ltd i bes long Mosbi na Nesenel Sekyuriti Trening Kolis- Gad

Dog Sekyuriti Sevis Ltd i bes long Lae.

GDSL bai trenim Hailans, NGI na Momase Rijn long Lae insait long Nesenel Sekyuriti Trening Kolis bilong em. Black Swan Na G4S bai stap long Mosbi long trenim ol gad long Nesenel Kapitel Distrik na Sauten Rijn.

Siaman bilong Sekyuriti Industri Atoriti na Polis Komisina, Gari Baki, i tok olsem, ol sekyuriti kampani bai givim gutpela trening bilong strongim sekyuriti wok fos na bai gat gutpela sekyuriti sevis long sapatim ol polis fos long ol wankain wok bilong sekyurit long tam bilong Pasifik Gem na 2018

APEC miting.

"Bihain long gem na APEC miting, dispela sekyuriti sevis bai stap yet long lukautim PNG gavman, ol NGO, foren embasi na ol narapela praivet kampani na ol pipel long i stap sef inap long yumi i bungim visen 2050," Baki i tok.

Ol sekyuriti kampani bai kisim wan yia trening long ol gad bai kisim gutpela wok bihain long trening, tasol ol fi bilong trenim em ol gad yet bai baim.

Bung namba bilong ol gad bai tren em i 30,000 olgeta, husat ol i wok pinis insait long 462 sekyuriti kampani we ol i gat lasins pinis.

UPNG Konprens long lukim gut Konstitusen

SKUL bilong Lo (SOL) long Yuni- vesiti ov Papua Niugini (UPNG) bai holim 2015 Konprens long toktok long "40 krismas bilong Konstitusen long Papua Niugini", long neks wik, 16 na 17 Jun.

SOL i save skulim ol sumatin long Konstitusen olsem wanpela kos bilong en taim skul i bin stat long 1965, na em i wanpela lo skul tasol long kantri.

Dispela konprens bai givim sans long husat i bin kamap wantaim Konstitusen long toktok long ol, lukluk na kisim tingting bilong ol.

Em ol akedemik, ol loman, ol komenteta, ol obseva na ol sumatin long toktok long ol driman na wok

bilong Konstitusen, rot em i ran long en bilong en long olsem 40 krismas na posisen bilong en go het long bihain taim.

Sampela bilong ol topik ol bai toktok long en em, ol glasim toktok bilong ol man i kamapim konstitusen; Konstitusen na Fandamental na Human Rait; Disentrelaisesen na ol Atonomas Gavman; ol Kontitusen hevi i stap namel long 3-pela Han bilong Gavman; Pablik Fainens na Gavanens na planti moa.

Dispela konprens i op bilong olgeta pipel husat i gat laik long harim ol toktok we bai kamap long Mein Leksa Tiata (MLT) long UPNG.



Baim **WANTOK** niuspepa **K1.00 tasol!**



Disiplin em bikpela samting.

Fail foto

Ol kadet pailot i go long trening

FAIVPELA yangpela ol Papua Niugini i go long pailot trening long PPT Flaing Skul long Nu Saut Wels long Australia taim ol i sainim ol kontrak bilong ol wantaim Air Niugini.

Ol i makim ol dispela kadet namel long ol narapela 2 tausen na moa pipel long olgeta hap long kantri husat i bin putim ol aplikesen bilong ol. Air Niugini Flait Opere-sens i kisim 4-pela mun long wokim aut seleksen we ol i glasim na ske-

lim ol long akedemik sait, ol intenal aptitud tes na ol intaviu.

Ol dispela pailot kadet em, Eric Niles, Thomas Poawai, Jonathan Mandie, Gina Badia na Rahmat Ruambil bai i kisim 18 mun trening. Dispela bai ol i greduet wantaim Komese! Pailot Laisens (CPL) na multi-enjin instramen reting.

Sif Eksekutiv Opisa bilong Air Niugini, Simon Foo, i amamas long ol 5-pela pailot kadet na em i tokim ol olsem long wok wantaim nesenel

balus wanpela pailot mas redi bipo long kisim dispela posisen na mas yusim gut dispela sans na invesmen Air Niugini i givim.

"Air Niugini i putim millien kina long wanpela kadet long dispela program. Em i komitmen bilong nesenel balus long givim sans long ol yangpela Papua Niugini long wok na mipela i laikim yupela long mekim gut," Mista Foo i tok.

Em i tokim ol kadet olsem kain wok olsem pailot i mas gat disiplin

long wan wan na tu gat gutpela akedemik save tasol ol i mas soim gutpela pasin na mas mekim rait samting olgeta taim.

Olsem 60 kadet pailot i stap long kain kain stej bilong trening long ol domestik flit. Namel long ol em 7-pela meri, Beverly Pakii, Jacqueline Naing, Sharon Tara, Rhonda llave, Nicole Koliata, Cassandra Asa na Bernice Watinga.

Kepten Beverly Pakii i bin wokim histori long Epril long dispela yia

taim em i bin kamap namba wan meri long kisim koman long Des balus aninit long Air Niugini Pailot Kadet Program taim program i bin stat long 1970s.

Ol 8-pela kadet pailot husat i bin statim trening bilong ol long Epril 2013 bai i greduet long Oktoba long dispela yia.

Mista Foo i tok olsem Air Niugini i pinisim seleksen bilong ol dairek entri pailot husat bai operetim Foka na Des flit.



Konjim Andreas (Iephan), wanela Gret 6 sumatin long Diwai Intanesenel Skul, i helpim namba wan GDS Treni bilong OTML, Mos Batap, long planim wanela sit bilong diwai long skul graun.

Ol skul i planim diwai long Wol Envairomen De

OK TEDI Maining Limitet (OTML) i givim aut 336 sit long ol skul insait long Tabubil long makim ol ektiviti long Wol Envairomen De i kamap long las Fraide, Jun 6.

Envairomen Dipatmen bilong kampani i givim ol dispela sit long makim Wol Envairomen De.

Ol i raun i go long ol skul olsem, Tabubil Sekenderi Skul, Wangbin

Praimeri Skul, Diwai Intanesenel Skul, Tabubil na Finalbin Praimeri Skul.

Ol i givim wan wan skul tripela kain ol sit long planim long ol skul graun bilong ol.

Opisa bilong Envairomen, Alicia Sioni, i tok olsem dispela yia dipatmen i lukluk long hetok em 'Seven bilien driman. Wanela planet. Kisim o kaikai wantaim pasin bilong lukautim.'

'Planim diwai i luk olsem wanela gutpela samting long wanem ol diwai i ken gro gen,' Mis Sioni i tok.

Em i tok moa olsem ol namba bilong ol pipel i go bikpela na ol i yusim ol risos hariap na raun i no groim hariap ol plent.

Long wankain taim, ol i lainim ol pikinini long respektem ol envairomen na lukautim ol.

Mis Sioni i tok moa olsem OTML i mekim gut na ol i tok tenkyu long ol 5-pela skul husat i stap insait.

Ol envairomen tim i givim ol buklet long ol kain kain gras nogut, binatang na ol sik bilong ol plent i stap long PNG.



DFRBF UNCLAIMED MONIES NOTICE



The Board and Management of Comrade Trustee Service Limited (CTSL) wish to advise all members listed here that their superannuation accounts have become inactive due to non contribution for over 12 months.

In accordance with section 102 of the Superannuation Act, the entitlements for members listed below have been determined to be 'unclaimed monies' and as such the funds will be remitted to the 'Consolidated Revenue Fund' with the Department of Finance if they are not claimed.

The PNGDF have acknowledged that there are numerous members who may be AWOL (absent without leave) or discharged without having gone through the proper administrative process. In ensuring that members receive their superannuation entitlements, the PNGDF has also given the assurance that those concerned here will not be penalized or disciplined during this process.

For more information, contact the Member Service Office on; **Telephone:** 3203455/1801007, **Fax:** 320 1710 /321 5840, **Email:** benefits@ctsl.com.pg, **Website:** www.ctsl.com.pg

Office Locations:

- 1 CTSL Head Office – Section 35 Lot 41 off Frangipani Street, Hohola (Behind MVIL Office).
- 2 Shop 2, Ground Floor, Defence Haus, Corner of Hunter Street and Champion Parade, Port Moresby.

PNGDF Contact: Directorate of Personnel Service - 324 2258 or 324 2225.

NO.	SURNAME	INITIALS	PAYROLL NUMBER	NO.	SURNAME	INITIALS	PAYROLL NUMBER	NO.	SURNAME	INITIALS	PAYROLL NUMBER
1	TOINEDI	M	910945	46	DANUCK	K	90393A	91	RAKARAKA	R	926671
2	GABI	D	926493	47	KAROL	O	919870	92	DIMUGU	GH	886408
3	TEKO	A	926418	48	ISHMAEL	PL	890162	93	DOM	GS	904228
4	YEWINGLI	M	925446	49	KULEMO	C	899917	94	KAMI	J	901849
5	INE	J	927163	50	MASO	P	921769	95	TAUREKA	OE	91365A
6	SAIMON	S	91625A	51	AISA	C	89213A	96	PULUPE	EE	91799A
7	ISIKEL	G	924288	52	AMAUJ	C	92628A	97	ASOH	D	920398
8	GISSA	J	916269	53	AMETA	V	891657	98	KAROL	S	925276
9	KATUSELE	C	83166	54	PALA	KC	892904	99	SURUTE	M	924270
10	TULAI	D	924873	55	KARA	M	899216	100	TALIVA	F	927457
11	KIU	R	896683	56	MIRIGAM	C	904627	101	KAMBU	B	926574
12	KORU	J	898228	57	GENDE	JOE	909181	102	AMPAOI	M	105144
13	KENNY	C	83504	58	ISRAEL	I	907898	103	NARARA	G	285419
14	AMBUK	M	927856	59	TUIKUM	J	890995	104	TOROPO	J	377568
15	SIUTA	J	925322	60	POKUA	S	925519	105	REU	S	378125
16	KALUVALU	T	923621	61	ILAI	M	911623	106	SAKAI	A	378297
17	KOTA	S	213293	62	PUKA	L	918601	107	BINISO	D	480996
18	AKA	M	285633	63	TIA	W	894273	108	ARIS	I	461811
19	BELEHE	P	925128	64	LEKISI	B	907871	109	ROCKSY	A	75962
20	DICKSON	P	92192A	65	TUAT	S	922480	110	DEEKAY	O	75499
21	BARI	J	904708	66	MAIS	P	906603	111	FOFO	EL	905402
22	ANDREW	J	917761	67	NICHOLAS	H	83237	112	NINIT	A	887447
23	AGOBE	T	923109	68	DUSEA	L	912310	113	WORINAMIA	OM	927520
24	JOHN	L	92502A	69	KEPA	W	907499	114	JACK	I	926779
25	POKONAM	B	377924	70	PAM	A	891428	115	KERENGE	D	570125
26	WAIA	T	870927	71	KILALANG	S	904996	116	WILLIE	DT	973126
27	SAUN	H	906905	72	GUGL	C	920649	117	HUBERT	E	74788
28	DOONAR	A	378205	73	TIAVA	D	83101	118	ARINASO	F	76092
29	LAVAKI	L	378170	74	SENEBA	B	902713	119	KONIMAI	J	883077
30	MALANGAN	T	888460	75	MAREVE	C	90622A	120	JOHN	A	921688
31	WALIBO	R	852201	76	GENA	P	90880A	121	TSIAMALILI	I	105171
32	TUKIKI	S	917877	77	MORUPI	K	92578A	122	LINDSAY	S	461179
33	YANDIT	B	907804	78	MILLER	R	105162	123	ANDY	J	461491
34	BRANCH	W	904155	79	PIPINGAN	P	920142	124	BALPAY	Y	926400
35	GAULA	G	912298	80	MAKAO	E	927155	125	NUL	E	974131
36	LETE	E	919063	81	MAGANDO	R	929913	126	KARE	M	914134
37	PALIA	T	918270	82	BENEDICT	K	929751	127	BOGOMBARI	PC	91477A
38	PALU	V	83246	83	MARIS	P	929778	128	JOMIS	I	923451
39	NANZIE	X	907600	84	PANDUKASI	R	921564	129	TOSEWELLU	T	923664
40	AITOU	L	881112	85	BENON	W	92404A	130	KUMBULE	T	925896
41	BOYOVI	L	89454A	86	TAREU	L	922609	131	MARKUS	R	714072
42	ILAKU	P	897922	87	RANK	K	919322	132	FIRAGI	R	974178
43	KITAWAL	A	913804	88	LOME	FW	920118	133	TRAMAFF	L	922935
44	MAURICE	MJ	903361	89	YAKO	P	922846X	134	HENRY	K	92652A
45	DAEL	P	902861	90	SAITONY	D	898082	135	SIROI	C	714143

Authorized by:

RICHARD SINAMOI
Chief Executive Officer

MARK B. GOINA, DMS, OBE
Colonel, Chief Of Staff

K60, 000 long sapotim Waigani Seminar

Esther Bralyn Wani i raitim

MINISTA bilong Haia Edukesen Risets na Sains, Malakai Tabar i givim mani mak K60 000 long Waigani Seminar bai kamap long 19 inap 21 long Ogas long dispela yia long hap bilong Yunivesiti ov Papua Niugini.

Minista Tabar i tok em i sapotim dispela semina long wanem em i laikim ol wan wan ogenaisesen long stap insait long en na kisim ol rait infomesen o toktok i go bek long ol pipel.

Long wankain taim, siaman bilong Waigani Semina, Joseph Sukwianomb, i tok dispela semina bai kamap olsem nesenenel platfom bilong ol developmen isu, na serim ol akedemik rises na ol narapela risets tu.

Em i tok ol bai toktok long ol lidasip isu na ol pipel long ol narapela provins bai kam tu long toktok long ol gutpela developmen long ol provins bilong ol.

Mista Sukwianomb i tok olsem taget bilong ol i olsem K1 milien long ranim dispela semina. Em i tok olpela Praitim Minista, Sir Michael Somare wantaim Praitim Minista Peter O'Neill bai stap insait long dispela semina tu long toktok long ol driman bilong tupela.

Em i tok moa olsem Praitim Minista i givim K500 000, Nesenenel Geming Bod i givim K150 000, Nesenenel Palamen i givim K50 000, Dipatmen bilong Nesenenel Plening i givim K200 000, Nesenenel Fiseris Atoriti (NFA) i givim K50 000 pinis.



Minista bilong Haia Edukesen na Risets Sains, Malakai Tabar (namel) i laik givim mani mak olsem K60 000 long Siaman bilong Waigani Seminar, Joseph Sukwianomb (Iephan) wantaim Vais Sensela bilong Yunivesiti ov Papua Niugini Albert Mellam (raithan) i lukluk.

Tinputz Komyuniti opim nupela klasrum

VINA Praimeri Skul i stap olsem 3-pela kilomita long not sait bilong bikples Bogenvil long bus bilong Puskot, Tinputz distrik, i bin amamas long opim nupela klasrum we Wol Visen i bin helpim ol long kirapim.

I gat 1,500 pipel i stap long dispela ples na ol tu wankain olsem ol narapela pipel bilong Bogenvil olsem o i save traim hatwok long painim gutpela sindaun long ples bihain long ol hevi bin kamap bipo we i bin senisim sindaun bilong ol pipel.

Vinia Praimer Skul i kism

nem bilong em long wanpela ston we i stap namel long ples na ol i bilip olsem em i was papa bilong olgeta samting long komyuniti bilong ol.

Lilian Raphael, Tisa In Sas long skul i bin stat olsem elementeri skul long yia 2000 wantaim wanpela tisa na 20 sumatin. Skul i bin go long praimer skul long 2013 wantaim 45 sumatin i go long gret 3 wantaim 4-pela tisa.

Oi i no bin gat ol samting bilong skul na ol tisa i save baim ol buk na pensil wantaim poket mani bilong ol yet. Dispela i go inap Wol Visen i

kamap na helpim ol. Mis Raphael i tok olsem senis long olpela morata haus i go long haus kapa i givim gutpela tingting na amamas long ol sumatin long lainim samting long skul na tu ol komyuniti i amamas na givim pul sapot long skul.

Helpim i bin kam long Vina Praimeri skul aninit long Not Bogenvil Edukesen bilong Laip bilong ol Pikinini program bilong Wol Visen long Bogenvil.

Oi i bin kirapim wanpela klasrum wantaim kapa na wantaim ol wara tenk na tupela toilet.



Vinia Praime Skul sumatin i bung long tok welkam long ol lain i kam long opim nupela klasrum. Poto na stori i kam long Wol Visen komyunikesen.

Fatai i amamas long ol UPNG musik sumatin

FATAI, singa o song raita bilong Tonga husat i save stap long Australia i singsing long ol Yunivesiti ov Papua Niugini (UPNG) musik sumatin na ol woklain long dispela rilesensip namel long Australia Hai Komisn na Yunivesiti long makim Australia Wik.

Long dispela, Fatai wantaim

menesa bilong em Peter i bin kamap spesol ges bilong ol musik sumatin long ol woklain long UPNG. Em i bin toktok long ol sumatin long ol singsing na ol song em save raitim na toktok moa long ol rot ol sumatin bai i bihainim long kamapim driman bilong ol long musik.

“Olgeta laip bilong mi, mi bin stap long Australia tasol mi save amamas long bekgraun bilong mi long Tonga. Papa bilong mi em i save go pas long sios singsing na long dispela hap mi save laik long singsing. Musik i bin stap insait long famili bilong mipela na em hap we musik bin stat,” em i tok.

Fatai i toktok long rot em i singsing kam long sios, sain long Mercury Records Australia, singsing solo long ol pati na ol koyuniti iven na kamap semi-fainelis long TV prodaksen, The Voice long 2012. Dispela driman bilong em long kamap wanpela singa em i gutpela skul bilong husat i bin stap.

Oi musik sumatin long yunivesiti i singsing long Fatai wantaim ol song bilong Papua Niugini na em i tok “awesome” o gutpela stret.

Lukluk raun bilong Fatai long yunivesiti em wanpela raun we ol suamtin bai i no inap lustinting na wankain long em tu.



Papua Niugini NESENEL AIDENTITI PROJEK



Oi emu namo totona, Nesinol ID oi abia

ATM



- ▶ Oi do ia durua bema banika dekenai akaunt ta oi kehoa neganai.
- ▶ Tau ta oi emu aidentiti ia henaoa lasi bong oi emu sivarai danu.
- ▶ Metau lasi bona hekwakwahanai ta lasi banika gaukara lalonai bona bisnis orea danu.
- ▶ Do ia durumu abitoreai oi karaia banika dekenai oi emu bisnis totona bona gaukara haida danu.

“oi rejista hari bona oi noho lalonai”

Nesenal Plening Dipatment

ese hereva ia mailaia



Banika gaukara



Pablik no amamas long haus sik i pas

....taim raskol holim na haitim tupela dokta autsait long haus sik eria

POLIS long Madang i holim pasim tupela lain memba bilong ol raskol lain husat i kisim tupela dokta bilong Modilon Jeneral haus sik long Madang las wiken na karim ol i go aut long rurel eria long Astrolabe Be.

Dispela birua i bin kamap long las wiken taim tupela dokta i go stopim kar na dring bia arere long nambis long Koronesin Draiv, taim sikspela raskol lain i go wantaim gan long na kisim ol wantaim kar bilong ol na i go olsem long Bugati rot long Astrolabe Be na tromoi ol long Bom viles.

Polis ripot i tok olsem, bihain long ol raskol lain i lusim ol dispela dokta long Bom ples, na kisim kar na draiv i go bek gen long Madang, wanpela bilong ol dokta i bin pait wantaim tripela lain husat i was long ol, na narapela poroman bilong em i ranawe.

Dispela birua we i kamap

long tupela dokta i mekim na ol wok lain bilong Modilon haus sik i stopim wok long haus sik long las wiken.

Pasin we ol atoriti long Modilon haus sik i wokim long pasim dua bilong haus sik na i no sevim ol sikman meri long las wiken na i kamapim bikpela kros na bel-hevi namel long ol pablik long Madang taun.

Sampela ol lain bilong Nu Taun na Sisiak i tok olsem dispela hevi we i kamap long tupela dokta i no kamap long eria bilong haus sik na ol atoriti long haus sik i pasim dua na no gat wok long las wiken. Laip bilong ol manmeri i laik kisim sevis long haus sik em bikpela samt-ing na watpo na ol atoriti long Modilon haus sik i pasim dua long haus sik.

Wanpela mama i tok em i no amamas long taim em i go long haus sik wantaim sik pikinini bilong em long Sande na kisim toksave olsem haus sik i pas.

Narapela mama, bilong Sagalau i tok em i sore olsem tupela dokta i bungim hevi long han bilong ol man nogut o raskol lain. Tasol dispela birua i no kamap long eria bilong Modilon haus sik, na tu ol raskol lain ating i no save olsem dispela tupela man em ol dokta long taim ol i holim ol wantaim gan na karim ol i go.

Wanpela komyuniti lida, Anton Francis bilong Kalibobo Draiv i tok pasin Modilon haus sik atoriti i wokim long pasim haus sik na no sevim ol sikman meri na pikinini i no gutpela pasin tru na i brukim stret lo bilong human raits.

“Mi laik Helt Minista Michael Malabag long lukluk i go insait long dispela hevi bikos em bikpela rong tru long Modilon haus sik i pas, taim hevi i no kamap insait long eria bilong haus sik we lukim tupela dokta i go long han bilong ol raskol lain,” Mista Francis i tok.



Embeseda Morio Matsumoto opim wara saplai long Giramben Prameris Skul, long Banz, Jiwaka Provins.

Siapan opim Kulaka Eria wara saplai long Jiwaka

EMBESEDA bilong Siapan long Papua Niugini, Morio Matsumoto, husat i bin opim Kulaka Eria Wara Saplai long Giramben Prameris Skul, Banz, Jiwaka Provins long Tunde Jun 2, i tok em i amamas tru long bungim ol manmeri long dispela ples na i tok tenkyu long olgeta lain husat i hatwok long kamapim dispela wara saplai.

Pastaim long opim wara saplai, Mista Matsumoto i bin go lukim gavana bilong Jiwaka, William Tongamp long provinsal hetkwata long Kurumul, Jiwaka Provins. Dispela seremoni em I bilong Kulaka Ples Wara Saplai Dvelopmen Projek we gavman bilong Siapan i bin givim aninit long Gren Asistens bilong Grasrut Projek (GGP).

Wara em i bikpela samtong long laip bilong yumi olgeta de. I gat wanpela ripot i tok olsem i gat 4 milien pipel long graun husat i no gat rot long kisim gutpela na klinpela wara. Em i minim olsem tripela pipel insait long 5-pela i no gat gutpela wara long dring na waswas. Wara we i no seif long dring na we i no gat gutpela ples bilong toilet i save kamapim planti rot bilong kisim ol sik na sotim laip bilong

pipel. Ol bikpela meri na ol yangpela gel i save kisim moa hevi long taim i no gat gutpela wara bikos ol i save mekim bikpela hatwok long painim wara. Ol i save go longwe tru long karim wara baket na ol kontena long kisim wara bilong dring na kukim kaikai.

“Mipela i save long hevi bilong kisim gutpela wara em i bikpela samtong long ol komyuniti olsem na mipela i pasim tingting long putim mani bilong kamapim gutpela na seif wara saplai long mak bilong PGK220, 000 bilong putim 35 wara tenk insait long Kulaka Eria stat long Septemba 2014. Tude mi amamas tru long lukim olsem ol dispela tenk i sanap pinis na ol pipel i yusim gut,” Mista Morio i tok.

Mista Morio i tok em i bilip olsem dispela wara bai helpim ol pipel long kamapim gutpela sindaun long ples bilong ol. Tasol em i tok moa olsem laik bilong em long ol mama na ol pikinini meri long kisim moa helpim long kamapim gutpela sindaun.

Pinis bilong dispela projek bai helpim ol pipel long daunim ol kain sik we i save kamap long ol

wara no gut we i bikpela tumas long ol kain komyuniti olsem.

“Mi bilip olsem helpim bilong mipela tu bai helpim PNG long kamap long Visen 2050 mak bilong “kamapim moa rot bilong kisim klin wara long 39 pesen mak i go antap long 100 pesen bilong populesen. Gavman bilong Siapan em i wnapela bikpela developmen patna bilong PNG na em i gat bikela laik long givim han long stretim sosol na ikononik sindaun bilong ol sitisen bilong yupela,” Mista Morio i tok.

Gavman bilong Siapan i bin statim GGP long 1989 bilong helpim long kamapim gutpela laip long komyuniti. GGP wok i strongim ol pipel wantaim edukesen na laip skil na long kamapim gutpela sevis na ol infrastraksa bilong go wantaim PNG Visen 2050.

I kam inap Janueri 2015, GGP i helpim wantaim mani long 271 grasrut projek we ol NGO, lokal gavman na ol non-profit ogenaisesen olsem haus sik na ol skul i bin kamapim wok. Bungim olgeta helpim bilong dispela program nau i sanap long mak klostu long PGK41 million (US\$16million).



Modilon haus sik i lukim ol sumatin tasol, nogat jenerel pablik.

Modilon Haus sik tok em bai pas yet - Pater Jan

James G. Kila i raitim

BIKPELA Modilon Hausik long Madang provins bai stap pas yet inap ol atoriti bilong gavman i lukluk na stretim hevi bilong lo na oda insait long Madang taun na provins.

Siaman bilong Modilon Jeneral Hausik, Pater Jan Czuba i mekim dispela toktok long ol niulain bihain

long hausik i pasim dua bilong en long sevim ol manmeri stat long las wik Sarere inap nau.

Long aste *Wantok Niuspepa* i lukim aut-pesen seksen bilong hausik i pas, na nogat planti wokman meri i raun insait long hausik eria. Ol sumatin bilong Luteran Skul ov Nesing na Divain Wod Yuni-vesiti tasol i wokim praktikal bilong ol raun insait long hausik.

Modilon em wanpela

riferal hausik insait long Madang provins na em i bin pas long las wiken bihain long ol raskol lain i hensapim na karim ol i go aut long Madang.

Pater Jan i tok planti taim ol wokman meri bilong Modilon Hausik i save bungim hevi long han bilong ol bikhet lain long taim bilong ol long mekim wok na dispela i no stret. Moa-beta ol lain long atoriti

insait long provins na kantri i wokim wanpela strongpela samtong o kamap wantaim strongpela lo long daunim ol hevi i kamap nau long Madang provins.

Madang taun nau i lukim planti hevi bilong lo na oda, tasol ol lida bilong provins na ol Memba bilong Palamen long provins i no traim long toktok strong long painim rot long daunim ol hevi.

Tatu em i mak bilong gutpela pasin tumbuna

Frieda Sila Kana i raitim

PUTIM makmak long skin em i pasin tumbuna bilong ol yangpela meri i save bilasim bodi long luk nais na long kisim ai bilong ol yangpela man long planti hap bilong kantri bilong yumi Papua Niugini.

Las wik mipela putim stori bilong 4-pela meri ol hapkas Sentral provins na Australia we ol i bin raun long PNG na ol narapela Pasifik kantri long traun na bringim bek pasin tumbuna we ol yangpela meri i save putim tatu o makmak long skin wantaim mining.

Wantok Niuspepa i bin toktok wantaim wanpela meri long Kerowagi, long Simbu Provins taso Inau i stap long Pot Mosbi. Mipela i askim em long stori long as bilong ol makmak i stap long pes bilong en na long ol narapela hap bilong bodi bilong em.

Serah Dinki Tine (Ongo) em i save wok long opis bilong Minista bilong Maining na Petroleum na Memba bilong Madang, Nixon Duban long haus palamen. Em i bilong liklik ples Ambumur long



Mis Serah Tine i soim ol tatu long pes bilong en ausait long haus palamen long Pot Mosbi.

Kerowagi, Simbu.

Serah i gat planti liklik ol dot makmak long pes bilong en na dispela i mekim ol manmeri i ken lukim ples klia. Olsem na em i bin mekim isi long niusripota bilong Wantok Niuspepa i luksave long em hariap tasol taim em i wok long wokabout long rot lusim haus palamen na i laik go long haus bihain long wok.

Serah i tok olsem pasin

bilong wokim makmak long bodi em i gutpela long ol yangpela meri long bipo bilong wanem em i save givim narapela kain luksave long ol man bai lukim na laikim ol long marit. Em i tok pasin bilong tatu i go wantaim ol narapela pasin bilong meri na man i poroman pastaim long ol i painim trupela meri o man long marit.

"Bipo mipela i save

prenim ol man long ples klia long ai bilong papa na mama. Mipela i no save pren long ol plawa gaden o long ples hait aninit long ol diwai olsem nau ol yangpela i save mekim. Mipela i save go karim lek long ai bilong papa mama na i no gat hevi save kamap long kisim man o meri long marit," Mis Tine i tok.

Long em yet i kisim ol dispela tatu em i tok, "taim mi liklik meri mi save lukim ol bikpela meri i bilas long tumbuna bilas na ol makmak long bodi i save kamaut gut tru na ol i luk nais. Olsem na mi yet tok promis olsem taim mipela bikpela, mi tu bai wokim ol tatu o makmak long bodi bilong mi," Mis Serah i tok.

Tasol nau taim em i kam long siti na long taun em i lukim olsem planti meri nau i no gat ol dispela kain makmak na tu i no gat we bilong soim aut na luk nais wantaim ol bilas tumbuna, na em i sem gen.

Em i tok, "Taim mi tingting long wokim ol tatu long bodi bilong mi n apes bilong mi, mi bin ting olsem bai mi no inap long go ausait long ples ya. Tasol nau mi raun long olgeta hap bilong kantri

inap nau mi stap long Mosbi siti."

Ating gutpela samting yumi ken lukim long dispela stori em olsem, i gat ol pasin kalsa bilong yumi em i gutpela long holim strong ol pasin bilong rispek na i no rabisim nem bilong yumi.

Serah yet em i marit long Manus na i gat wanpela pikinini meri tasol marit bilong em i bin bruk pinis long 2001 taim man bilong em i lusim em na kisim narapela meri. Serah i kam long Pot Mosbi long painim man bilong em tasol em i lukim olsem man i marit gen olsem na em yet i stap na wokim maket long setelmen.

Tasol em i gat bikpela amamas long Minista bilong Petroleum na Energy na Memba bilong Madang, Nixon Duban i kisim em na putim em long wok klina long opis bilong en. Nau em i wok insait long haus palamen olsem wanpela klina.

Em i gat bikpela laik long lukim pikinini gel bilong em Naomi husat i stap bek long Simbu wantaim ol kandre bilong en, tasol em i wok long painim mani yet long baim tiket bilong go.

Yut, Meri na Famili
Pastor
Barbara Lunge



PNG i mas wok wantaim God bilong Israel

PAPUA Niugini nau i kamap Kavanen nesen o kantri bilong bihainim tok promis long wok aninit long God bilong Israel olsem God bilong kantri bilong yumi.

Ol ikonmik, politik na sosel sistem we ol man husat i no senisim tingting na pasin i wok long holim, em i wok long pundaun nau. Ol dispela sistem i stap aninit long liklik lain manmeri tasol na ol i bosim olgeta bikpela lain pipel na mekim planti i stap tarangu na i no gat mani na gutpela sindaun.

Dispela kain sistem i kamapim planti wari na kraik long bel bilong ol pipel na planti manmeri i kraik long God bilong ol. Nau God i harim kraik bilong ol pipel bilong em na em i laik givim dispela ol sistem i go long ol pipel bilong em. Long dispela as yumi ol kristen i mas redim yumi yet long kisim salens na tekova.

Kingdom bilong God i mas kam na bosim yumi long graun na stap oltaim, oltaim.

Sapos yu save na inap long mekim wanpela kain wok gut, em yu mas kirap na mekim wok bilong yu long inapim laik na tingting bilong God. Kisim ples bilong yu na bihainim plen bilong yu we taim mama i bin karim yu long mekim namel long ol wanlain bilong yu.

Kirap na soim lait long wanem hap yu stap long en!

I gat taim na ples bilong olgeta samting i save kamap aninit long heven. Tok stori bilong man i stap long graun long 400 yia i kam pinis nau. Nupela millennium i stat long wok nau aninit long kingdom bilong God.

Na olsem wanem long yu? Yu stap pinis long sip bilong Noah o no gat? Na olsem wanem long famili bilong yu, na provins bilong yu? Kisim olgeta i kam insait long sip bilong Noah o go singautim ol long kam insait nau!

Pinis.

Toksave: Sapos yu i gat wari, tingting planti, yu mas ringim mi na bai mi helpim yu. Raitim pas long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 79638276 o salim email long:

lungeb37@gmail.com

Wanpela moa strit pikinini i dai

WANPELA moa pikinini bilong strit bilong Pot Mosbi husat i stap aninit long lukaut bilong Life Care PNG Home Senta i dai long las mun.

George John em nem bilong dispela pikinini tasol em yet i kolim nem bilong em olsem Jerry Stanley na dispela nem em i save yusim long skol. Ol poroman bilong em long strit i save kolim em 'ai in the skai' bikos pes bilong em i save lukluk i go antap long skai olgeta taim.

Dairekta bilong Life Care PNG, Collin Pake i bin sore tru long harim olsem Jerry i bin painim birua long wanpela kar edsiden long Erima we wanpela kar i ran i go insait long banis na kilim sampela lain na wanpela bilong ol em Jerry.

Mista Pake wantaim meri bilong em Freda i save lukautim sampela pikinini husat i no gat papamama insait long haus bilong tupela long olgeta de. Tasol i gat sampela i save stap ausait na ol i kisim helpim tasol long edukesen na sampela taim long wiken ol i save go pilai na lotu wantaim famili long senta.

Long Mande June 1, LCPNG i holim wanpela lotu bilong givim luksave long leit Jerry long Dove Funeral Home long Taurama Rot.

"Mipela i laik givim luksave long ol pikinini olsem na mipela i holim dispela funeral sevis. Mipela i no wari long ol wanem kain pikinini na ol i kam long we, tasol sapos ol i pikinini em mipela i laik luksave na lukautim ol," Mista Pake i tok.

"Life Care PNG i lukluk long edukesen na kristen laip bilong ol pikinini. Olsem buk bilong Gutpela Sindaun long baibel i tok long sapta 22 na lain 6, 'Lainim ol pikinini long gutpela pasin long taim ol i stap liklik yet, na taim ol i kamap bikpela bai ol i no ken lusim gutpela pasin,'" Mista Pake i tok.

Jerry i laik painim bel isi na em i lusim haus. Wanpela kasen sista husat i stap long taim bilong luksave lotu i tok olsem ol i no bin lukim Jerry longpela taim inap long taim kar i bin bamim em. Inap long taim Jerry i dai em i no stap wantaim wanpela wanblut bilong em tu.

Dispela em i bikpela hevi long Pot Mosbi nau, we ol pikinini i no stap wantaim mama na papa bilong ol o wan blut bilong ol. Dispela i kamapim hevi bilong strit pikinini

na planti pasin bikhet i save kamap na tu ol pikinini i save kisim bagarap long han bilong ol birua na ol i no save kisim gutpela lukaut long helt na edukesen na sefti.

Life Care PNG em i gat bikpela tingting long edukesen bilong ol pikinini long strit tasol long dispela taim, ol i putim bikpela mani long lukautim gut bodi bilong leit Jerry long Funeral Home na redim em long famili bai kisim i go long planim long ples.

Ol i putim Jerry long Erima Wildlife Praimeri Skul nae m i wok long mekim gut tasol em i strongpela man bilong salim samting long strit. Planti taim Mista Pake i save stopim em tasol em i save tok olsem, em i laik helpim long baim kaikai bilong ol mangi husat i stap long senta.

Misis Freda Pake i save amamas long taim leit Jerry i save kamap long haus bilong wanem em i man bilong mekim wok. Em i no save les na i no save wet long wanpela man i tokim em long mekim wok.

Ol narapela pikinini long senta i sore no gut tru na sampela bilong

ol i bin go long witesim dai lotu bilong luksave long leit Jerry long dispela taim. Wanpela bilong ol boi makim maus bilong olgeta na i tok, 'mipela bai misim Jerry.'

Dai bilong leit Jerry i mekim namba tu pikinini long dai taim ol i kam insait long lukaut bilong Mista Pake na meri bilong em na dispela i brukim bel bilong tupela na ol i gat bikpela sore.

"Mi pre long God na tok, mi laik eduketim ol pikinini, mi no laik planim ol," Mista Pake i tok.



Dairekta bilong Life Care PNG na was papa bilong planti strit pikinini, Collin Pake wantaim sampela pikinini bilong senta i wari na kraik ing pren na brata bilong ol leit Jerry.



TOK AMAMAS: Ol Bod memba bilong *Word Pablising Kampani* i save kamapim *Wantok Niuspepa* i tok amamas long nupela Bisop bilong Angliken Sios na Bod memba tu (namel i katim kek), Bisop Denny Bray Guka, husat i bin stap long bung long las wik Fonde. Poto i soim (L-R) Bruder Raj i makim ol SVD, Bosmeri bilong *Word Pablising* em Elizabeth Konga, Reveren Sommy Setu i makim Luteran Sios, Bisop Denny Bray Guka i makim Angliken Sios, Siaman bilong Bod, Pater Janusz Skotniczng na narapela Bot memba planti i save long en, Lawrence Stevens i autim tok amamas na serim kek wantaim long nupela bisop husat i katim kek i stap . **Poto: Veronica Hatutasi**

Ol Solomon Ailans Sios lain i sapotim Wes Papua

SOLOMON Ailan Solidarity for West Papua Freedom i salim pas I go long olgeta memba bliong Palamen long sapotim laik bilong ol Wes Papua long sait bilong politik na humen rait.

Pater Nigel Kelaepa em Kodineta bilong Feit, Misin na Yut wantaim Solomon Ailans Sios ov Melanesia o Angliken Sios, I tok dispela Solidarity for West Papua Freedom i karamapim olgeta sios long Solomon Islands, ol NGO and sivil sosaiti grup long kantri.

Pater Nigel Kelaepa i wanpela long ol husat i go pas long dispela kempein long sapotim Wes Papua.

Em i tok dispela solidariti grup i wok long mekim bikpela kempein pastaim long ol Melanesian Spearhead Group (MSG) lida i bung long Honiara long tupela wik bihain.

Pater Kaleapa i tok ol i sanap long gavman bilong Solomon Ailan I mas sapotim laik bilong Wes Papua long kamap memba bilong MSG.

Vatiken bildim ol haus waswas bilong ol strit lain

I kam long Zenit Nius Ejensi, Rom

OL LAIN I no gat ples bilong stap long en long Rom nau i gat ples bilong waswas na toilet bihain long Vatiken i bildim ol haus waswas bilong ol.

Klostu long pinis bilong las yia, Pop Francis li bin givim tok orait long komisenim tripela sawa o ples bilong waswas long eria aninit long Sen Peter's Skwea long Vatiken.

Ol i wokim ol dispela ples bilong waswas long eria i gat ol toilet blok we ol turis na ol pilgrim i save yusim

Ekspiriens bilong man husat i go pas long opis bilong Pop long givim aut ol helpim i go long ol tarangu lain, Asbisop Konrad Krajewski, i bin strongim tingting bilong Pop long bildim ol sawa rum long Vatiken we ol i wokim tu long 10-pela arapela peris long Rom.

Asbisop Konrad libin bungim wanpela man I gat 50 krismas bilong Sardinia i no gat ples bilong stap long strit bilong Roma na bikos em i bonde bilong dispela (homeless) man, Asbisop i bin laik baim em dina, tasol man i les bikos em i no waswas na em i smel.

Maski em i les, Asbisop Konrad i bin kisim man ya i go aut long dina long wanpela Saina restron na tupela i stori.

Man ya i tok bikpela samting ol manmeri i raun long strit na i no gat ples bilong stap i laikim stret em ples bilong waswas.

Em bin tok ol i ken painim kaikai, tasol ples bilong waswas em samting ol i laikim tru.

Asbisop i bin kisim mesej o toktok wantaim ples bilong em (Asbisop Konrad) long wokim ol sawa insait long Vatiken i go long Pop Francis, na Pop i bin tok oraitim kwiktaim.

Asbisop i bin askim narapela 10-pela peris long Rom long bildim ol sawa long ol peris graun bilong ol na ol lain i no gat ples i ken yusim.

Sariti bilong Pop i givim mani long kari-maut dispela projek.

Luteran Sios Yabem seket amamasim 90 Yia bilong Nupela Testamen

Sanang Zazoring i raitim

YABEM seket insait long Evanjeli-luteran Sios (ELC-PNG) Yabem district, amamasim pinis 90 yia bilong Nupela Testamen long Me 19, 2015, long Obasega stesen long Finsafen.

Dispela Nupela Testamen, "Binglensem Wakuc" long tok ples Yabem, i kamap olsem namba wan insait long Australasia rijon bilong Not-Is bilong Niugini aninit long wok bilong Luteran sios Niugini.

Taim ol i tanim pinis, ol i bin salim long British Bible Society long 1923, na long Me 19, 1925 ol i bin opim. Bibolo Dabung, em Yabem Baibel ol i tanim sampela yia bihain. "

"Amamas bilong Nupela Testamen i kamap long soim ol papagraun bilong ol Yabem pipel long go bek long tokples bilong ol yet, na long mekim ol i yusim Baibel bilong ol,"Gesengbing Gwakauc i tok.

Tripela de selebresen long 17 - 19 Me, 2015 i lukim ol pipel bilong Yabem seket i amamas, singsing, lotu na harim Tok bilong God, givim tenks giving na mekim stori long wokabout bilong wok misin ol tumbuna i bin mekim wantaim ol misineri.

Insait long dispela bung, ol pablik sevan insait long Finsafen, lokol level gavman, ol tisa bilong Logaweng Seminari na ol lidaman i makim ELCPNG Kate Distrik wantaim ol komunity klostu long Obasega i bung na soim amamas bilong ol.

Yabem tokples i karamapim 12-pela klen o wanpinis olsem Kamalawa, Kolem, Simbang, Godewa, Bubalung-Gingala, Bugeng, Ngasegalatu, Kwangsam, Kasanga, Tami-Malasiga, Busiga na Mangec. Yabem tokples i kirap long hap na go long olgeta hap bilong Morobe na go aut aninit long wok misin bilong Luteran Sios.

Dispela Nupela Testamen ol i bin tanim long tokples Germani



NAISPELA BILAS: Sampela pikinini iputim naispela bilas na go insait long selebresen.

aninit long misineri Heinrich Zahn wantaim helpim bilong asples wanwok bilong em, Male Nedecabu, husat i helpim misineri na lainim em tokples Yabem. Long dispela rot tasol em i opim rot bilong tanim Yabem Nupela Testamen.

Man i go pas, Gesengbing Gwakauc i tok, as bilong dispela amamas em long mekim Yabem pipel i ken yusim Bibolo Dabung (Baibel long tok Yabem) na lukluk long as bilong bilip bilong ol long save long God na Tok bilong em.

Mista Gesengbing i tok, bikpela samting em long ol Yabem Kristen na ol Luteran insait long Papua Niugini, i tingim bek long bikpela wok ol namba wan lain misineri i bin mekim. Ol namba wan lain misineri em Johanness Flierl, Tremer Karl na Henrich Zahn, husat i bin kirapim Kristen sios insait long Papua Niugini.

"Bilong wanem na ol i amamsim 90 yia bilong Baibel, bikos i no gat wanpela taim ol i bin amamasim namel long dispela 90 yia. Na tu, insait long dispela amamas, ol i laik tokaut long bikpela amamas bilong 100 yia bai kamap long yia 2025," Mista Gesengbing i tok.

Presiden bilong ELCPNG Kate distrik, Reveren Kelly Rabisang i

tok, Yabem na Kate i stap patna long histori long wok bilong autim Gutnius.

Mipela i stap olsem brata we God i yusim mipela wantaim Holi Spirit bilong en long sevim pipel insait long wok Gutnius bilong Jisas Kraus.

Reveren Rabisang i tok, olpela mak ol papa tumbuna i bin sanapim i bruk pinis olsem na yumi Yabem- Kate i mas wok bung wantaim long autim Gutnius i go long ol haiden jeneresen bilong dispela taim.

Em i kamapim wanpela gutpela tingting olsem; tupela Yabem-Kate i mas salim wokman olsem pasto na evanjelis i go long helpim wanpela na arapela long sanap strong na karim Gutnius i go moa yet.

Man i makim Summer Institute of Linguistics, Kim Kolich bilong USA i tok, Spirit bilong God i singautim ol long tanim Baibel. Kim i marit na i gat 5-pela pikinini, na em i wok long tanim Baibel i go long tokples Tami.

Em i tok, ol pipel bai save gut long Tok bilong God long tokples bilong ol yet.

Ol i mas harim Tok bilong God na kisim laip na long dispela as, God i laikim ol pipel i mas harim

Tok bilong em long tokples bilong ol yet.

Olsem na amamasim 90 yia bilong Nupela Testamen i makim wanpela bikpela samting insait long Luteran Sios Yabem distrik na Papua Niugini olgeta, em i tok.

Long dispela taim tu, prinsipel bilong Logaweng Senior Flierl Seminary, Reveren Beka Kosieng tu i tok, ol pipel bai klia long Tok bilong God long tokples bilong ol yet.

Long dispela as, misineri Heinrich Zahn i bin tanim Baibel i go long tokples bilong ol pipel.

Em i tanim tu wanpela buk bilong song long tokples Yabem na kirapim namba wan konsel ben.

Reveren Beka Kosieng i tok lukaut long tok bilong dispela Baibel, 'King James Version' i paulim bilip bilong ol Kristen insait long Finsafen.

Em i tok tu olsem, ol sampela pasto, evanjelis na hetman i wok long go insait long su bilong ol politisen na laim ol i autim tok antap long pulpit

Reveren Kosieng I tok, pulpit em i ples bilong ol man husat i bin kisim blesing (odinesen) na husat i kisim singaut bilong sios tasol bai sanap na autim tok.

Em i singaut i go long Kate-Yabem long wok bung wantaim long gutpela bilong Gutnius, maski ol i gat sampela kain hevi insait long wok ministri bilong sios.

Wapela taim lida na foma primiar bilong Morobe, Sir Jerry Nalau i tok, ol misineri i bin yusim kalsa na tumbuna pasin bilong ol pipel long bringim ol insait long sios long kisim Tok bilong God.

Sir Jerry i tok, i gat seket opis where ol i ken putim Baibel insait na ol i ken yusim wantaim bikela rispek na save olsem, namba wan translesen ol i bin wokim long tokples Yabem, olsem na Baibel i mas i gat namba wan luksave na rekot bilong en i mas stap long helpim jeneresen bilong bihain.

Strongim lo bilong lukautim ol pikinini



Las wik, Palamen i bin oraitim nupela lo bilong lukautim sindaun bilong ol pikinini insait long kantri. Dispela nupela lo bai i givim hevi bilong lukautim ol pikinini i go bek long han bilong ol papamama. Sapos papamama i no lukautim pikinini na em i raun nabaut long rot olsem wanpela tarangu, bai papamama i gat kot. Papamama i kamapim pikinini, orait em i wok bilong tupela long was long pikinini na givim em gutpela laip inap em i kamap bikpela man o meri na i lusim ol.

Palamen i helpim ol pikinini bilong PNG long taim ol memba i tok orait long dispela nupela lo. I kam inap nau, yumi save lukluk long ol wantok na famili long lukautim ol pikinini sapos papa lusim mama o mama i dai na pikinini i no gat man long lukautim. Planti taim ol dispela pikinini i save bungim hevi bikos ol lain i was long ol i no save mekim gut long ol. Sampela taim ol dispela was papa o mama i yusim ol kain pikinini olsem long kamap wokboi bilong ol. Olsem na dispela nupela lo bai i helpim long was long laip bilong ol pikinini husat i raun nabaut long strit.

Tude long planti taun long PNG, i gat populesen bilong ol tarangu pikinini i wok long gro. Long kain siti olsem Mosbi na Lae na Hagen, i gat bikpela populesen tru. Planti bilong ol i slip nabaut long rot o wantaim ol wantok na long san ol i raun nabaut long rot na painim



kaikai ol askim ol pablik long mani o ol i salim ol samting long painim mani. Planti bilong ol i no go long skul. Ol i stat wok long taim ol i liklik yet na i no gat sans long lukim wanpela gutpela senis bai kamap long laip bilong ol.

Dispela nupela lo bai glasim tu ol bisnis bilong lukautim ol kain pikinini olsem. Planti ol manmeri i wok long kamapim haus bilong lukautim ol pikinini husat i no gat papamama na gavman i wari olsem sampela bilong ol i laik

wokim bisnis tasol. Ol i no bisitumas long laip bilong ol pikinini, ol i laik wokim mani tasol. Long dispela as na gavman bai makim ol inspekta long sekap long ol senta bilong lukautim pikinini pas-taim long ol i gohet long kisim ol

pikinini i go insait. Ol provins tu bai i gat komiti bilong sekap na was long sindaun bilong ol pikinini. Ol dispela komiti long provins bai skelim na painimaut sapos i gat ol pikinini husat i no gat tru wanpela famili long lukautim ol, orait ol i ken kamap ol pikinini gavman bai lukautim.

Dispela lo bilong Lukautim Pikinini Act i kamap long lukautim laip bilong ol pikinini. Yumi amamas long dispela bikpela helpim ol memba bilong Palamen i givim. Em i opim rot long kamapim wok tru bilong mekim dispela lo i karim kaikai.

Sapos gavman i laik lukim gutpela senis i kamap, orait i mas gat mani i kam long baset long wan wan yia long strongim wok bilong ol lain husat bai go pas long mekim wok aninit long dispela nupela lo, ol inspekta long nesenelevel, na ol komiti long ol provins.

Long taim i gat gutpela program na inap mani long mekim wok, bai dispela lo inap soim tru strong bilong en long lukautim sindaun bilong ol tarangu pikinini long kantri.

Taim i senis, na ol gutpela kastam bilong yumi long lukautim ol pikinini i wok long lus tu. Laip long taun i no isi na planti famili i no gat inap mani long lukautim ol kain tarangu pikinini olsem. Dispela lo inap wok na banisim ol pikinini husat i nidim tru helpim bilong gavman.

Yumi olgeta i mas sapatim na strongim tru dispela lo bilong lukautim gut ol pikinini bilong yumi.

Stail KILIM YUMI

Konman: Man i giaman olsem em i "Buai Tambu" wok man.

K100 fain long salim buai long hia!!

Hemarai lasi Konman!! Kam painim moni long ples nau?! Buai ban em long sifi tasol, ino Sentral provins!!

Ol dokta i no moa kea long ol imejensi sikmanmeri

Planti sikmanmeri i silip long Pot Mosbi Jeneral Haus sik long imejensi rum i nap tupela o tripela de we ol dokta i no kam lukim ol.

Tupela wik i go pinis, mi bin go long imejensi bikos mi bin kisim maigren etek long wanem mi gat hai blut presa. 2-kilok moning tru ol femili i bin karim mi go na laki tru wanpela dokta i redi long pinis wok i lukim mi sindaun na sekim klinik buk bilong mi olsem mi gat hai blut presa long mak olsem 170 we dokta i stretim mi hariap. Sapos nogat, mi bai kisim strok pinis na wansait bilong bodi i no inap wok.

Moning nau mipela i wetim ol dokta long mekim raun bilong ol tasol nogat wanpela i kam.

Planti ol sikmanmeri i kam long liklik haus sik long eria bilong ol (riferal) i kam tupela de i go pinis wok long wet yet i stap. Planti i luk olsem klostu bai ol i dai tasol dokta i no kam o singautim ol.

Klinik buk bilong ol i wok long paul raun long wanpela opis rum i go long narapela. Taim ol kuskus i kam bai ol kisim buk na salim i go long narapela rum.

Bai mipela sindaun wet i go nait gen na lukim sampela ol dokta i kam insait tasol ol bai lusim imejensi rum na go long bikpela opis rum bilong ol long imejensi wod we i gat ea kondisen i stap insait na bai ol i stori na lap insait na i no bisi long mipela ol sikmanmeri i stap long rum i gat bikpela smel we toilet i bagarap tru nogat klina i klinim.

Minista bilong Helt Michael Malabag mas lukluk long dispela pasin we ol dokta i mekim mas senisim pasin bilong ol. O karim ol ovasis dokta i kam insait long kantri bilong yumi na bai ol sevim mipela ol sikmanmeri gut.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Websait: www.wantokniuspepa.com
Pe bilong wanpela via, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Polis Komisina plen long senisim Polis Fos ...Strongim gutpela pasin

Philemon Tame i raitim

GAVMAN i makim nupela Polis Komisina (PC) long Royel Papua Niugini Konstabuleri (RPNGC), Gari Baki, i tok pinis long senisim pasin, wei, lukluk, raun, kala, na stail bilong konstabuleri i go narapela kain tru.

Komisina Baki i tok tenkyu, na i kam daun, na i tok orait long gavman bilong tude long em i mekim disisen na makim em long stap PC. Tude, Komisina i gat olgeta pawa long mekim kamap ol samting we ol pipel na gavman i laikim long en.

Em i kisim opis long wanpela bikpela na salensing taim bilong RPNGC na kantri wantaim, long wanem, PNG i stap long wanpela bikpela taim tude.

Tripela bikpela salensing iven bai kamap klostu taim, i putim RPNGC long bikpela salens em ol. Namba wan samting em 2015 Pasifik Gem (PG) i gat wanpela mun tasol i stap bipo pilai i stat. Na 2017 Nesenel Jeneral Ilekseen em i namba tu bikpela salens bai kamap na tupela yia tasol i stap long bungim dispela taim. Laspela salens wok em 2018 Esia, Kari-bien na Pasifik o APEC Samit o bikpela bung.

PC bai lukluk long ol dispela samting, tasol long narapela sait, Lo na Oda hevi i stap yet na konstabuleri we em i no sanap strong long wokim konstitusenal wok bilong em gut. Na narapela samting em, konstabuleri i kamap long skruim ol dispela hevi o, em i kamap wanlain long ol dispela hevi.

Foma komisina, Geoffery Vaki, Komisina Mista Baki na ol narapela divisenal komanda i bung wantaim insait long taim bilong givim bek sia bilong komisina na long wankain taim, ol i toktok strong long wok bung wantaim long givim ol polis sevis we ol pipel i nidim long en.

Bilong Konstabuleri long wokim wok long we ol



Polis Komisina Gari Baki i sindaun long han kais long namba wan lain.

stekholda i laikim long en, ol memba bilong konstabuleri i mas gat disaplins pasin, mas gat komand na kontrol. Long dispela as, aninit long pawa bilong em olsem PC tude, em bai mekim sampela ol samting i kamap na ol lista i stap olsem; em i laikim ol opisa we ol komisina i makim pinis, ol komanda na ol supavaisa long wok gut na soim pasin i stret, na husat i wok aninit long ol dispela namel pawa bai bihainim wok bilong ol tu olsem.

Korap na les wok man na meri bai no inap gat wanpela ples insait long konstabuleri tude.

Em bai rausim olgeta, long wanem, planti lain long kantri ol i no gat wok na ol i painim wok i stap.

Long kamap polis man na polis meri, ol husat lain i

gat setifiket i ken aplai long polis trening kolis na kamap polis man o polis meri. Konstabuleri i no save nidim saintis o profesa long kamap polis man o polis meri. Long dispela as tasol, Mista Baki bai lukluk gut long ol dispela eria.

Em bai yusim "fit na propa" tes long tesim olgeta opisa husat ol i makim pinis long kamap bikpela komand.

Em bai lukluk long sampela winim mak olsem; namba wan em ol opisa mas no gat kriminol rekot na edministretiv asua. Ol i mas no gat nogut disaplineri rekot, ol i mas no gat amamas long wokim ol narapela bisnis, ol i mas no gat marit asua na ol i mas passim medikal tes.

Dispela em ol sampela bikpela tok orait we em bai lukluk gut long en, bihain long ol opis i kisim sia bilong ol o ol bikpela komand.

Husat ol opisa i tingting long stap long wanpela stesen na muv i go long ol narapela stesen o wok ples, ol bai harim tok orait bilong komisina tasol na ol bai mas bihainim.

I gat tripela yunifom ol konstabuleri i save werim tasol tude, komisina i tok orait long ol i ken werim Namba Wan Yunifom (NWW) tasol.

Ol narapela yunifom em ol bai rausim na ol bikpela senta olsem Mosbi, Lae, Hagen na Kokopo em Komisina i givim wanpela mun tasol long ol bai rausim ol Fil Yunifom.

Em i givim tupela mun na i go antap long tripela mun bilong ol narapela liklik senta i ken rausim Fil Yunifom na kisim NWW.

Sapos ol i no bihainim ol dispela komand insait long dispela marimari taim em ol bai kisim sas.

Ol Polis Stesen Opisa, ol Provinsal Polis Komanda na ol supavaisa tu bai kisim sas, long wanem ol i stap long ol bikpela komand na ol bai skulim ol long ol dispela kain samting. Na tu, ol Polis Parol Kar bai penim orijinal blu polis kala na ol dak glas bai rausim.

Organaisesenal straksa bilong konstabuleri wantaim ol wanem rot konstabuleri i ranim bisnis em komisina bai senisim long mekim kamap bung wantaim ol nupela senis long ol taim na envaromen insait long kantri. Opis bilong Komisina long Nesnel Polis Hetkota long Konedobu i no bin senis wanpela taim insait long las 40 yia. Tasol taim komisina i go kisim sia long las tripela wik i go pinis, em i bin senisim i go long nupela we gen.

Wankain tasol long ol narapela eria we konstabuleri i save mekim ol konstitusenal wok bilong em i no senis tu na em i stap wankain olsem yet long las 40

yia. Long dispela as, em bai lukluk long ol dispel eria long senis.

Wanpela bikpela samting em olsem namba bilong ol pipel bilong kantri i kamap bikpela moa yet, na long narapela sait ol lain man na meri i save stap long ples tu i wok long kam insait long ol siti.

Tasol, namba bilong ol konstabuleri memba i no kam antap tumas na i putim planti hevi long ol liklik polising sevis. Long dispel risen, em bai senisim konstabuleri wantaim fomim sampela moa komand olsem i stap long lista.

Hailans Rijon bai bruk i go long tupela komand olsem Isten Rijonal Komand, we bai lukautim Westen Hailans, Jiwaka, Simbu na Isten Hailans.

Na Westen Rijonal Komand bai lukautim Sauten Hailans, Hela na Enga.

Momase Rijon bai bruk i go long tupela olsem Boda Komand we bai lukautim Westen Provins, Is Sepik na Wes Sepik Provins. Na Morobe, Madang na Lae Metropolitan Komand bai stap.

Ol bai rausim Sentral Provins long NCD-Sentral Komand name bai joinim Sauten Komand.

NCD- Komand bai stap olsem komand bilong em yet. Dispela komand bai ol i wokim bilong Mosbi tasol long wanem, ol planti salens bilong polis i stap long Mosbi.

NCD- Komand bai bruk i go long tripela bikpela hap olsem ol tripela ilektoret i stap, na ol bai lukautim ol narapela stesen i stap insait long siti.

Em bai konektim Bomana Polis Kolis wantaim ol bikpela skul bilong ol bai kisim diploma na digri wantaim ol polis trening kos bilong skruim save bilong ol moa.

Gavman i gat plen olsem strong bilong konstabuleri i mas i go antap long 10,000 long yia 2018 na dispela plen em mipela i weit yet long bungim. Long wanem,



Gutpela wok sindaun wantaim komyuniti na Polis.

Bomana Polis Kolis i save trenim 900 polis man na polis meri tasol long wan wan yia, na em i mak long ol spes i stap na ol mani gavman i save givim.

Tasol i gat ol narapela rot long mekim RPNGK long bungim plen bilong gavman. Long dispel as, gutpela rot bilong bungim plen bilong gavman em RPNGK bai kamapim Rijonal Trening Senta (RTS) long trenim ol nupela polis man na polis meri, na em bai i gat gut-

pela moa polising sevis insait long ol wan wan komyuniti long kantri bilong yumi.

Tude, Komonda Baki i lukluk long tripela moa RTS bai stap, na wanpela long Hailans Rijon, wanpela long Niugini Ailan Rijon na wanpela long Momase Rijon. Dispela em ol tingting bilong em long strongim disaplins, komand na kontrol insait long konstabuleri long bungim ol polising salens.

Gavman bilong Papua New Guinea itok orait pinis long ol refugee iken stap wantaim yumi. Yumi mas larim ol long kisim wok na halivim yumi long developim kantri bilong yumi.

REFUGEES

LAIKIM HALIVIM BILONG YUMI

PNG ken halivim ol refugees long painim gutpela sindaun wankain olsem ol narapela kantri imekim.

Nem: Haider Khan


Asples: Bangladesh

Wok: Sales & Marketing

Toksave ikam long Gavman bilong Papua New Guinea.

Em nau! Ol pikinini i ken painim rot i go long ples wantaim Wantok kru...

Sudoku



		4	7				8	2
2				6				7
	3		8		2		9	
	1		5	9		3		
8	9					2		5
		7		2	6		4	
	7		2	4		6		
9				7				4
1	4				9	7		


					5	7		8
	6				4		3	
		1		9	8			2
					7	3	2	5
8				5				1
1	7	5	2					
4			9	3		2		
	1		7					8
3		7	5					

Ansa bilong Sudoku # 109 na # 110 neks isu


3	6	1	5	4	7	8	2	9
2	5	8	9	3	6	7	4	1
9	7	4	1	8	2	6	5	3
6	1	9	7	2	3	5	8	4
7	4	2	8	1	5	9	3	6
5	8	3	6	9	4	2	1	7
4	9	6	3	5	8	1	7	2
1	2	5	4	7	9	3	6	8
8	3	7	2	6	1	4	9	5

2	5	9	4	6	1	7	8	3
4	6	3	7	8	2	9	5	1
7	8	1	3	9	5	6	4	2
9	2	5	6	4	3	8	1	7
3	7	8	2	1	9	4	6	5
6	1	4	8	5	7	3	2	9
8	9	2	5	7	6	1	3	4
5	4	7	1	3	8	2	9	6
1	3	6	9	2	4	5	7	8

Ansa bilong las wik Sudoku # 107 na # 108



EM ORAIT




EM NOGUT

Ol wod lista hia:

- AISBLOK
- ALTA
- ANANIT
- BATEN
- BIHAIN
- DIWAI
- DOKTA
- DRAIBISKET
- FOPELA
- FOTNAIT
- GRAUN
- GRILEGLAS
- HAMBAK
- HAMAS
- INDEPENDENS
- INTAVIUA
- JISAS
- KAMAPIM
- LIMBUM
- MANGI
- NARAPELA
- ORAIT
- PAMKIN
- SKWAT
- TEPRIKODA

S E L G F R A A I J S T E T E Q L S O Q
 I S T B G M A N G I N N A T I S D A F N
 N Y Q A S V A I P S I W D Z H A H N L Y
 D C V T F O P E L A K R R K P E H H I E
 S I L E M R R S U S D O K T A A A H T E
 P P W N A A H I I P O R S S R D M T T A
 A A C A N H V T G C O O N D O I B G L B
 N G U N I A O G O O S Q R K P H A M O V
 R O P A T G E J A N S D I A F A K B P Q
 E C L N A R A P E L A R M S I O I E I K
 P I I I I I N D H E P A T G L T S S Y O
 E J M T F L N H K E K I U B R F S A F E
 E T B O A E L H T A A B S I M A S Y T M
 Y B U S P G L R T N P I C H M I U V E L
 L X M E S L R L T Z A S G A I D E N R D
 L B D Y E A A O S B M K H I A C Q E S O
 E N V M P S F D R N K E A N J O O D L A
 I R K T T E O O O R I T A Q O G V I H N
 Q F F P K I O S N R N R R J N X L A N U
 I T E T E I S R J D I D C W F E T O N O

Ansa bilong Wod Pilai isu 2125





TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)



ABG PRESIDEN: John Momis i winim bek sia olsem ABG Presiden. *Poto: ABC*



NAISPELA MAKET: Ol melon i pulap kapsait long Sentrel Honiara maket. *Poto: ABC*

Bogenvil nau i gat Keateka Gavman

OL i bin swerim in Presiden John Momis na lain bilong en long lukautim gavman pastaim inap long Mande 15 June 2015 taim ol bai wokim opisel seremoni long putim ol lain i win i go long Atonomas Bogenvil Gavman (ABG).

Presiden John Momis i bin winim gen dispela wok long ileksen na ol narapela lida long wanpela seremoni long ABG Palamen long las wik.

Presiden Momis i bin winim moa long 50 tausen vot long kisim bek sia bilong em olsem presiden.

Man husat i kam namba tu, Ismael Toroama i bin kisim 17,500 vot.

Mista Toroama i bin wanpla memba bilong Bogenvil Revoluseneri Ami(BRA) long taim bilong pait long Bogenvil.

Namba wan meri long winim wanpela konstituensi sia, Josephine Getsi i stap tu long dispela keateka gavman.

Menesa na sieia jenelis bilong New Dawn FM Raeo long Bogenvil, Aloysius Laukai, i bin stap long Palamen na em i tokim Radio Australia olsem planti i votim Mista Momis long holim gen wok bilong Presiden long wanem, ol i laikim em long go pas long ol wok bilong holim referendum vot long painim sapos ol pipae i laikim indipendens o no gat.

Bogenvil deputi spika bipo i go bek long Palamen

...Francesca Semoso i kamap memba gen bilong Not Bogenvil e bihainim ABG ileksen

OL meri politisen long Atonomas Bogenvil Palamen i mas wokbung long daunim ol hevi em ol meri long Bougainville i save bungim.

Dispela em askim bilong Francesca Semoso husat i bin wok bipo olsem deputi spika long namba wan Atonomas Bogenvil Palamen na husat i bin winim gen risev sia bilong ol meri long Not Bogenvil.

Francesca Semoso, i tok olsem ol nupela meri Palamen memba i mas helpim ol meri na mama long Bogenvil long save moa long ranim ol liklik wok bilong painim mani long lukautim ol yet na ol famili bilong ol.

Narapela samting em i laik lukim tu em long stretim helt sevis long Bogenvil.

PNG rausim Australian visa tambu

Dispela tingting i mekim ol turis bisnis lain long Bogenvil i amamas

Zhon Bosco Miriona em turis bisnisan long Bogenvil i tok tenk u long ol gavman bilong Australia na PNG long rausim dispela tambu o visa ban long ol pipel bilong Australia i raun long Bogenvil.

Mista Miriona i mekim dispela toktok bihain long PNG gavman i rausim dispela tambu em i bin putim long mun i go pinis bihain long Australia i bin tokaut long putim wanpela Gavman opis blong en long Bogenvil.

PNG Foren Minista, Rimbink Pato, i bin kros tru long dispela tingting bilong Australia na tok em i wanpela rabis tingting olgeta.

Minista Pato i bin tok tu olsem Australia i no bin toktok wantaim PNG gavman long desepla tingting.

Long wik i go pinis, Mista Pato i bin bungim Australia Foren Minista, Julie Bishop, long PALM 7 lidas miting long Japan we Minista Bishop i bin tok sori long dispela pasin em Australia i bin mekim.

Josephine Getsi i win long Peit Konstituensi long

LONG Atonomas Bogenvil Gavman ileksen, wanpela meri i mekim histri long kamap olsem namba wan meri tru long winim wanpela open sit long ileksen

Helen Hakena em dairekta bilong Leitana Nehan Development Agency i toktok

Helen Hakena director blong Leitana Nehan Development Agency i bin tokaut olsem Josphine Getsi, i winim sia bilong Peit Konstituensi long Buka long Not Bogenvil.

Misis Getsi i bin wanpla long 34 meri husat i bin resis long namba tri ABG ileksen.

Moa long 340 kendidet i bin resis long kisim wanpela long ol 40 sia long House of Representatives long Bogenvil Palamen.

Misis Hakena husat i bin helpim ol meri long dispela ileksen i tok ol meri i amamas tru long win bilong Josephine Getsi.

Laip bilong ol Ni-Vanuatu i no stret gut

SINDAUN na laip bilong ol pipel long Vanuatu i no stret gut yet bihaen long saiklon Pam i bin hamarim kantri 4-pela mun i go pinis.

Saiklon Pam ibin bagarapim planti samting long Vanuatu, Dairekta bilong Vanuatu ministri bilong egrikalsa, Howard Aru, i tok.

Mista Aru i tok olsem ples i no orait tumas yet, tasol em i tok ol pipel i strong na ol i gat bikipela laik long mekim olgeta wok em ol i ken mekim b long stretim laip bilong ol.

Em i tok tu olsem gavman i statim pinis wanpela wok em ol i kolim long Risk Recileince Unit long helpim ol pipel long ol taim no gut.

Saiklon Pam i bin bagarapim planti samting olsem ol haus, egrikalsa, fiseri na ol wok bisnis olsem turisim.

Solomon Ailans Malaita provins miting

PROVINSAL Primia i tok miting bai lukluk long senisim rot ol arapela i lukluk long provins.

Primia bilong Malaita Provins long Solomon Ailan, Peter Ramohia, i tok em i laik kamapim sait long developmen long provins na senisim lukluk bilong ol narapela long provins bilong em.

Mista Ramohia i tok populesen bilong Malaita i bikipela moa long ol arapela provins long kantri, tasol sait long developmen i no kamap gut tumas olsem ol arapela.

Em i tok nem bilong Malaita em i no gut long wanem, ol i sutim tok long i kamapim planti hevi.

Mista Ramohia i tok bai ol lida bilong Malaita i toktok long ol dispela samting long Malaita Konpens bai ol i holim long Jun 24 i go inap long namba 26 de long dispela mun yet.

Em i tok as tingting bilong dispela miting em long sait long Developmen.

Vanutu PM i rausim Foren Minista Sato

VANUATU Praim Minista, Joe Natuman, i bin rausim Sato Kilman olsem Foren Minista las wik, long wanem em i go agensim gavman, Kiery Manassash, tokman bilong Vanuatu gavman i tok.

Mista Manassash i tok wanpela long ol as we praim minista i rausim Mista Kilman em (Mista Kilman) i laik go joinim oposisen.

Em i tok Mista Kilman em ibin go agensim tu posisen bilong gavman long sapotim laik bilong ol Wes Papua long joinim Melanesian Spearhead Group.

Mista Manassash i tok pasin gavman i rausim Mista Kilman, bai no kamapim hevi long wok bilong bungim gen olgeta pati long gavman we i bin bruk long Vanua'aku Pati bipo.

Solomon Ailan ikonomi i no stret gut

OL wok mani bilong Solomon Ailan i no kamap gut yet bihainim ol bikipela taitwara i bin hamarim kantri long 2014.

Tony Koraua, em Siaman bilong Solomon Ailan Semba ov Komes i tok sampela mansave o Ikonomis i wok long tokaut olsem ol wok mani bilong Solomon Ailan bai go antap, na em i amamas long harim dispela toktok bilong ol ikonomis.

Toktok bilong en i bihainim toktok bilong ANZ benk long nupela Pacific Quarterly ripot we em i tok ikonomi i bin go antap kwik bihainim long ol taitwara long yia i go pinis.

Dispela bikipela tait wara long 2014 i bin kamapim ol bikipela hevi long laip bilong ol pipel na tu, ol wok mani blong kantri.

Solomon Ailan polis na gan bilong wok

SAMPELA polisman tasol bilong Royal Solomon Ailans Polis Fos bai save karim gun na i no olgeta.

Dispela em toktok bilong Asisten Polis Komisina, Gabriel Manelusi, bihainim sampela wari olsem ol polis inap yusim ol gun egensim ol pipel.

Em i mekim dispela toktok taim gavman i mekim wanpela bikipela wok long toktok gut wantaim ol provinsel gavman na tu, ol pipel bilong ples long dispela tingting bilong larim sampela polis opisa i save karim gan.

Ol lain bilong Regional Assistance Mission to Solomon Islands i bin stopim ol polis long karim ol gun long 2003 bihainim ol bikipela trabel long kantri we planti taim, ol tabelman i save stilim ol gun bilong polis na yusim egensim ol pipel.

Dispela trabel i bin kamap bihainim kros long graun namel long ol pipel bilong Guadalcanal provins na ol pipel bilong Malaita.

Palamen i oraitim Kumul lejislesen

Stanley Nondol i raitim

PALAMEN long las wik i oraitim tripela bil long senisim konstitusen na ogenik lo long putim Kumul konsolideted straksa.

Ol tripela bil em; Kumul Petroleum Holdings Atoraisesen Ekt (Kumul Petroleum Ekt), Kumul Minerel Atoraisesen Ekt 2015 (Kumul Minerels Ekt), na Pablik Bisnis Koporesen bilong PNG (Kumul Konsolideted Holdings) Amenmen Ekt 2015 (Kumul Petroleum Ekt)

Minista bilong Pablik Enteprais Ben Micah i putim long palamen long senisim ol arapela ekt long mekim ol ekt antap long wok. Ol dispela ekt em Oil na Ges Bil 2015, Reguletori Stetutori Atoriti-apoinmen bilong ol opisa na bil bilong Pablik Sevis (Amenmen bil 2015)

na Odit (Amenmen bil) bil 2015.

Mista Micah i tok ol tripela Kumul bil we palamen i kamapim lo em long stretim frem wok bilong bungim – Olgeta intres bilong stet long Oil na Ges go insait long Kumul Petroleum Holdings Limited

- Olgeta intres bilong stet long minerels aset go insait long Kumul Minerels Holdings Limited
- Olgeta bisnis bilong pipel o stet on entaprais nau stap aninit long IPBC go insait long Kumul Konsolideted Holdings.

Nesenel Petroleum Kampani PNG limited o NPCP NEM i senis go long Kumul Petroleum Holdings Limited. Minista Micah i tok NPCP em i bisnis han bilong IPBC na i holim planti aset bilong stet long Oil na Ges na holim

16.57 sea bilong Kroton Ltd intres bilong PNG LNG projek.

Nem bilong Petromin PNG Holdings i senis i go Kumul Minerels Holdings Limited. Na bai lukautim oil na ges intres bilong stet i kam long Kumul Petroleum Holdings Limited na ol sea bilong Ok Tedi Maining Limited.

Nem bilong IPBC i senis go Kumul Konsolideted Holdings Limited na ol sea em i gat long NPCP Holdings bai em i salim i go long Kumul Trasti long kamapim Kumul Petroleum Holdings Grup.

Minista Micah i tok gavman i kisim planti toktok i no gutpela long ol planti lain husat i go agens. Tasol em i tok em i impoten long gavman i mas tap insait long ol bisnis bilong pipel long ol pipel bai kisim sevis long ol oil, ges na mineral i kamap long graun.

PNG Ports i tok gutbai long ol long taim wokman

PNG Port i tok gut bai long 14-pela lain husat i wok longpela yia wantaim kampani long las wik Fraide aninit long Volentia Ritrensmen Program (VRP) bilong kampani.

Namel long 14 pela, em Timiteke Samuel bilong Erave Sauten Hailens provins i lusim kampani bihain long 40-pela yia.

Mista Samuel i joinim kampani long Januari 31, 1975, taim em i yangpela boi, taim kampani i operet long nem PNG Habas Bot.

Samuel em man hailens i no gat save long ran bilong solwara tasol em i gat laik tru long wok na kamap long opis bilong bosman long moning.

Na em i statim wok olsem asisten welda.

“Mi liklik mangi yet na mi no sapim maus gras yet na mi kam askim long wok long PNG habas Bot” Samuel i tok.

Insait long 40-pela yia, Samuel i wok long 15-pela sib bris long kantri.

Long las Fraide i lukim PNG PCL i tok gutbai long ol 14-pela wokman bilong em aninit long VRP.

PNG Ports yumen kepitol menesa Rex Kini i tok polisi bilong kampani aninit long VRP i larim ol wokman long mekim disisen bilong ol long wok yet wantaim kampani o lusim.

Aninit long VRP ol wokmani husat krismas bilong ol winim 50 yia na i wok wanataim kampani moa long 10-pela yia o i gat krismas aninit long 50 tasol i bin wok moa long 15 yia i ken mekim disisen long laik bilong ol na lusim wok

na kisim gutpela pinis mani.

Mista Kini i tok husat i wok longpela taim em i gutpela long gro bilong kampani long ol sampela yia i go pinis. Planti i bin stat wok wantaim kampani stat long 1980s.

Sif Eksektiv Opisa bilong PNG Ports Stanley Alphonse i makim kampani na tok tenkyu long ol 14 pela lain. Em i tok planti bilong ol i wok longpela taim na i lukim kampani i gro long ai bilong ol.

Em i tok kampani i nidim ol wokman i gat longpela yia eksperins long gro tasol i tok nau em i sori taim olsem sampela bilong ol dispela lain i lusim kampani.

Mista Alphonse i tok papa God bai blesim wanem wok ol i mekim long laik bilong ol long ol yia i kam.



PNG Ports, CEO Stanley Alphonse na ol wokman i tok gutbai long 14-pela wokman lusim kampani aninit long VRP.

ExxonMobil woklain klinim Ela Beach wantaim ol volantia long Fraide las wik.



Winmani bilong BSP long 2014 sanap long K507m

BIKPELA komesel benk long kantri, Benk Saut Pasifik i tokaut olsem winmani bilong 2014 i sanap long K507.4milien.

Dispela winmani em bihain long olgeta takis na em i K70.5 milien moa long risal bilong 2013.

Benk i kamap wantaim 56 toea dividen long wanwan sea bilong 2014. Dispela em fainel dividen wantaim 20 toea dividen benk i tokaut long Oktoba na bungim wantaim i sanap long 76 toea long wanwan sea. Em i 10.27 pesen long nau maket prais long K7.40.

Benk i tok dividen bilong wanwan sea em i 15 pesen moa long 2014 na i go antap long 14 pesen long las 3-pela yia.

Ol fainel det bilong dividen em;

- Ex-det: Fraide 29 Me 2015
- Rekot det: Fraide 5Jun 2015
- Pemen det: Friade 19 Jun 2015

BSP i tokaut olsem ful yia distribusen bilong dividen i go long ol seaolda em long K355.57 milien (2013 k309.25 milien).

BSP i tok bikpela namba bilong ol seaolda em ol pipel na kampani bilong Papua Niugini na BSP bod i tok em i amamas long baim bikpela mani i go long ol seaolda.

BSP long wankain taim i tokaut olsem em i mekim K130 milien long namba wan kwata long 2015, em i K7 milien moa long risal bilong las kwata bilong 2014.

BSP dinau i gro long fainel kwata bilong 2014 bihain long retel inkam i gro na kamap strong wantaim bikpela spot bilong BSP ATM na EFTPOS teminel bisnis.

Handet volantia mekim wok long Wol Enviromen de

ExxonMobil PNG Limited wantaim planti lain volantia i kam long ol gavman opis, skul pikinini na ol tim memba bilong PNG Hunters i bin mekim luksave long Wol Enviromen De long Pot Mosbi, Hela Provins na long Sentraol provins.

Dennis Vidmar, EMPNG Sefti Helt na Enviromen Menesa i tok dispela yia em i namba wan taim long kampani i singaut long ol narapela ogenaiesesen ausait long ExxonMobil yet long bungim han wantaim long ol ektiviti bilong Wol Enviromen De na em i kamap gutpela tru.

“Dispela yia EMPNG i kisim bikpela namba tru bilong ol volantia long mekim wok long Wol Enviromen De long Papua Niugini na em i winim ol narapela yia bipo taim kampani i bin stat long mekim wok bilong luksave long Wol Enviromen De long Papua Niugini,” Vidmar i tok.

Em i tok ExxonMobil PNG na PNG LNG i luksave long bikpela wok bilong developmen bilong kantri i stap long gutpela we bilong lukautim enviromen.

“Papua Niugini em i wanpela bilong ol naispela ples i narakain long olgeta ples long dispela graun. Em i gutpela long lukim projek tim bilong mipela i wok long sapotim dispela wok yet.”

“Mipela i gat bikpela tenkyu long planti pipel an ol ogenaiesesen husat i wok wantiam mipela long kamapim dispela de. Em i soim wanem samting mipela i gat long rispekim na lukautim enviromen,” Mista Vidmar i tok.

Long Papa Komyuniti Praimeri Skul, klostu long LNG Plent, 250 volantia i klinim ol pipia na planti 100 liklik diwai.

Narapela 100 volantia samting i wok long senisim lukluk bilong Elas Bis taim ol i rausim ol pipia long hap.

Long Hela Provins, 250 pipel i bin kisim sampela skul bilong lukautim enviromen we ExxonMobil PNG woklain bilong Elementeri Skul i givim.

EMPNG i gat bikpela tingting long mekim wok bilong LNG Projek long pasin we em i lukautim gut ol graun na bus, wara.



Ramu NiCo sainim Mou wantaim DoW long Helpim Wok long Haiwe

RAMU NiCo Menesmen (MCC) long las wiken (Sarere Jun 6) i sainim wanpela memorandum ov andastanding (MoU) wantaim Madang Provinsal Woks Dipartmen long soim wanbel na pasin bilong wok-bung long stretim ol hevi na bagarap i kamap namel long Madang-Ramu haiwe

Dispela MoU i strongim wok bung namel long Ramu NiCo (MCC) na Woks Dipatmen long sait long stretim ol rot na bris i bagarap namel long Madang-Ramu Haiwe.

Presiden bilong Ramu NiCo (MCC), Wang Jicheng wantaim Vais Presiden, Wang Baowen i sainim dispela MoU makim kampani wantaim Madang Provinsal Woks Menesa, Ferdinand Wakeri.

Dispela MoU karamapim tu ol wok we ol wok lain bilong Ramu NiCo i wok long stretim ol bikpela bagarap we i bin kamap namel long Madang Ramu Haiwe long ol mun i go pinis. Antap long en tu dispela MoU bai redim rot long ol arapela wok helpim we Kampani wantaim DoW i ken wokim long bihain taim sapos i gat hevi i kamap long rot insait long Madang-Ramu Haiwe.

Bikpela rot em Madang-Ramu Haiwe i bin bungim bikpela bagarap long pinis bilong las yia na stat bilong dispela yia 2015 bihain long bikpela ren i pundaun na wara i tait na rausim sampela seksen bilong rot long haiwe na tu bagarapim ol bris long rot. Dispela i givim hevi long ol manmeri na ol trak long muv i go kam na bringim ol guds na sevises i go kam namel long Madang, Lae na ol arapela senta long Hailans rijon.

Maski olsem wok bilong stretim bikpela Madang – Ramu Haiwe em i stap aninit long lukaut bilong Dipatmen ov Woks, Ramu NiCo (MCC) i bin soim gutpela pasin long karimaut wok long stretim sampela ol bikpela bagarap we i kamap long rot namel long haiwe.

Sampela long ol rot wok we Ramu NiCo (MCC) i helpim long stretim em taim ol wok lain bilong en i stretim graun bruk na rausim hap bilong rot klostu long Kawawar Maket,

narapela bikpela wok tu i kamap long lguruwe we ol wok lain i stretim bikpela bagarap i kamap long rot we i lukim bikpela graun i bruk na bikpela baret tru i stap we i ken givim hevi long ol kar na ol manmeri long hap.

Ramu NiCo (MCC) i bin givim bikpela hevi tu long stretim hap bilong rot taim em i putim bai-pas long Wasigo bris bihain long wanpela trak i bamin sait long bris na brukim i go daun. Narapela helpim tu em taim ol wok lain bilong putim ol ston basket long sait bilong Naru Riva long stopim tait wara long bagarapim rot.

Kos bilong dispela ol wok we Ramu NiCo (MCC) i wokim em bikpela mani tru, na kampani i wokim dispel olsem donesin o fri tasol long helpim ol pipel na ol bisnis i long Madang provins long kisim sevises.

Presiden Wang i tok Ramu NiCo i amamas long luksave Dipatmen ov Woks i givim long en taim em i wokim wok long stretim ol rot i bagarap na givim sevis i go long ol pipel bilong Madang.

Provinsal Woks Menesa, Mista Wakeri i givim bikpela tok amamas i go long Ramu NiCo long taim bilong sainim MoU, na i tok olsem kain wok bung em i gutpela tru na bai helpim long lukim ol guds na sevises i ken muv long sevim ol pipel bilong Madang provins.

Mista Wakeri i tok olsem Dipatmen ov Works i luksave long dispela wok patnasip long sait long developmen, na em i tok olsem em i luksave taim ol i sot long sampela samting em gutpela olsem wanpela stekholda olsem Ramu NiCo i stap long halivim.

“Mi amamas tru olsem i gat kain gutpela lain olsem Ramu NiCo i stap long sapatim mipela long Woks Dipatmen long taim i gat bikpela hevi o bagarap i kamap long rot na taim mipela i sot tru long samting bilong wok na tu mani long wokim wok,” Mista Wakeri i tok.

Presiden bilong Ramu NiCo (MCC), Mista Wang i tokaut olsem em i luksave olsem rot long Madang-

Ramu haiwe i gat planti ol eria we i bagarap na i no stap long gutpela kondisen.

Em i tok olsem Ramu NiCo (MCC) i save kisim planti ol bikpela masin na ikwipmen saplai bilong en i kam long Lae na tu long Madang long bringim i go antap long Kurumbukari Main, olsem na em i givim han long helpim Woks Dipatmen long stretim ol bagarap i kamap long rot long Madang-Ramu haiwe.

Mista Wang i tok sainim bilong dispela MoU nau i givim gutpela wok-bung long kamap namel long tupelo ogenaisin long wanem kain wok i kamap long bihain taim. Dispela bai helpim long sait long kodinesin na tu stretim ol wok long kamap long larim ol trak na kar i go kam gut na ol manmeri na tu bisnis haus long Madang provins i kisim gutpela sevises.



Presiden bilong Ramu NiCo (MCC) Mista Wang i sainim MoU na Madang Provinsal Woks Menesa, Mista Wakeri i lukluk.



Ramu NiCo (MCC) i yusim masin na kisim lokal lain long helpim na stretim rot bagarap klostu long Kawawar maket.



Ol grup piksa bihain long sainim MoU.



Ramu NiCo Management (MCC) Ltd,
the manager of Ramu NiCo Project is proud to host the 5th
NATIONAL MINING EMERGENCY RESPONSE CHALLENGE
in Madang

Date: August 22-25, 2015
Venue: DWU & PNG Maritime College



Madang maket pulap stret nau long taro

James G. Kila i raitim

PLANTI ol rurel ples insait long Madang provins nau i wok long lukim sisen bilong taro.

Olsem na olgeta liklik maket insait long Madang taun na tu long ol rot sait maket long Haiwe rot long Madang i pulap tru long kain kain saisis na kala taro bilong Madang stret. Gutpela samting tu em olsem nau em sisen bilong taro long Madang na ol mama blong ples i salim ol dispela kaikari long liklik mani tasol.

Ol mekpas taro nau ol ples mama I wok long salim long Madang mak em stat long K1, K2 na K5. Ol dispela taro bilong Madang em strong-pela na gutpela long kukim wantaim gutpela abus olsem laiv kakaruk, naispela kumu o sayor na kaikai gut wantaim femili na frens long haus.

Prais blong taro bilong Madang em daunbilo tru na planti ol lain bilong arapela hap olsem Mosbi na ol senta long Hailans provins husat i go long Madang i save aigris tru long baim ol taro bilong Madang long karim i go bek long ples bilong ol.

Taro em wanpela kaikai we i gat bikipela stori bilong en na tu em namba wan kaikai long planti ples insait long kantri. Planti ol liklik rurel viles komyuniti insait long PNG i gat kain kain rot bilong ol yet long groim taro long pasin na kalsa bilong ol yet.

Em tru tumas, olsem taro em bun tru bilong PNG long planti ples stat long Momase, Niugini ailan, Bogenvil, Sauten rijon na Hailens rijon tu wantaim.

Taro em wanpela gaden kaikai we bikipela histori bilong en na long PNG dispel kaikai i save go wantaim pasin na kalsa bilong ol manmeri long ples na haus-lain. Long sampela Pasifik Ailan kantri olsem Fiji ol i save groim tasol na eksptim o salim i go long ol arapela kantri

Ol kantri olsem Fiji na Samoa em taro em namba wan kaikai bilong ol planti handret yia. Na long Fiji ol save gat selebresen ol i kolim 'Taro De' em ol pipel i save amamas na selebret na luksave long taro..

Long ol ripot bilong saiens, taro i gat sains nem 'Colocasia esculenta' na dispela kaikai em namba wan tru long Sauten India na Saut Is Esia. Tasol nau dispela kaikai em planti kantri long wol i wok long lukim ol manmeri i amamas long kaikai taro.

Ol egrikalsa stadi i som olsem taro em namba wan kaikai bilong ol ipel long Afrika, ol ailan kantri long Saut Pasifik, Sauten India na tu ol arapela kantri olsem Bangladesh, Is Afrika na Egypt na Isten Mediterranean.

Tarol i gat planti lokal nem long wanem kantri em i kamaut long en na tu, em i gat kain kain rot long kukim na kaikai na strongim bel.



Ol mama i sindaun na salim taro long Madang Risot rot sait maket. Prais bilong dispela tarol em K2 tasol long foapela bikipela.

IJF na OJU i kam long PNG

INTERNESNEL JUDO FEDERESEN (IJF) na Osenia Judo Yunion (OJU) i kam long PNG long Jun 4 na ol bai go bek long Jun 15.

Ol tripela lain long Judo husat i kam long PNG em Nicolas Messener, em i IJF Media na Judo bilong Pis Dairekta, Lennie Niit em i presiden bilong OJU na Misis Clare Hargrave em i Developmen Opisa bilong OJU.

PNG em i laki long stap insait long 4-pela kantri ol i makim aninit long projek we ol bai raun long ol kantri long promotim judo insait long Osenia Rijon. Ol narapela tripela kantri em Australia, Vanuatu na Niu Kaledonia.

Hargrave em i bin kam long Jun 4 na em i helpim ol PNGJF memba long holim namba wan toktok wantaim midia na ol stekholda pastaim long narapela tupela lain bai kam.

As bilong ol i kam long PNG em bilong toktok wantaim ol namba wan spot opisal na raun lukim ol edukesenel institusen long apim nem bilong judo olsem em i wanpela Olimpik spot na em i rot we em bai stiaim ol skul sumatin na jenerel pablik gut.

Na tu bilong helpim na developim judo spot insait long PNG.

Ol lokol Gereka Judo Klap memba long Mosbi long Saut Elektoret I raun lukim planti ol skul stap insait long siti na long Goroka tu ol i visitim sampela skul tu.

Judo em i wanpela bilong tupela spot ol Japan gavman i makim insait long embasi bilong Japan i stap long PNG long sapotim na karim i go insait long Tokyo Olimpik long 2020. Tasol, long Pasifik Gem, ol bai no inap pilai Judo.

POMCCI i lukluk raun long ol hap bilong pilai PG

Philemon Tame i raitim

POT Mosbi Semba bilong Komes na Industri (POMCCI) i raun na lukluk long olgeta hap bilong Pasifik Gem (PG) bai kamap long en.

Dispela wokabaut bilong ol i kisim 4-pela awa we ol i stat long Taurama Akwatik Senta na pinis long Sir John Guise Stedium.

Long dispela taim, ol memba bilong POMCCI i pilim orait liklik, long wanem ol kontrekta na ol sab-kontrekta bai pinisim konstraksen wok bilong ol long taim stret.

Ol i lukim olsem sampela pilai graun ol i wokim pinis, tasol i gat ol liklik hap i wet yet bilong ol bai pinisim we em bai no inap kisim planti taim.

Em i laspela hap bilong Sir John Guise Stedium we ol bai pinisim pastaim long gem bai on.



Planti pipel long Wol Envairomen De

OLSEM 100 volantia wantaim ol pipel i makim ol gavman ejensi, ol skul pikinini, na ol pilaia long PNG Hunters i joinim ol woklain long ExxonMobil PNG Limitet (EMPNG) long Pot Mosbi, Hela na Sentral provins long makim Wol Envairomen De long Fraide Jun 5. Sefti Helt na Envairomen Menesa bilong EMPNG, Dennis Vidmar, i tok olsem dispela yia em i namba wan taim kampani i invaitim ol narapela ogenaisesen long stap insait long ol ektiviti long dispela Envairomen De na em i kamap gut.

"Dispela yia EMPNG i selebretim bikipela namba bilong ol volantia i stap insait taim kampani i bin stat long selebretim ol ektiviti long Wol Envairomen De long Papua Niugini," Vidmar i tok.

Mista Vidmar i tok dispela i soim olsem ExxonMobil PNG na ol narapela liklik kamapni bilong PNG LNG i luksave long bikipela samting i ken

kamap long kantri taim ol i tingting gut long envairomen.

Em i tok moa olsem PNG em i wanpela bilong ol naispela ples long graun. Em i tok em i gutpela long lukim ol projek tim i go het long sapotim dispela impoten inisitiv.

"Mipela i amamas long planti pipel na ol ogenaisesen husat i wok wantaim mipela long mekim dispela kamap. Em i bikipela piksa bilong mipela long serim ol komitmen na rispek long lukautim envairomen," Vidmar i tok.

Long Papa Komyuniti Praimeri Skul, klostu long LNG Plant olsem 250 volantia i rausim rabis na planim 100 diwai.

Olsem 100 volantia i klinim Ela Bis na rausim ol rabis na pipa bilong solwara.

Long Hela Provins, olsem 250 pipel i stap insait long envairomen awenes we ol woklain bilong ExxonMobil PNG i mekim long Para Elementri Skul.

Ol wok man wok meri bilong POMCCI i wokabaut go insait long Sir John Guise Stedium.



Fainel etlit lista bilong pilai long Pasifik Gems

...35 man na 29 meri

SAMTING olsem 64 etlit bai pilai long 2015 Pasifik Gems long Pot Mosbi.

Nem bilong ol i lok pinis na fainel tim i gat 35 man na 29 meri long en, na 4-pela risev. Narapela 5-pela moa em ol i givim ol moa taim inap long Jun 19 long kamap long mak bilong kwalifai.

Seketeri bilong PNG Etletiks, Philip Rehder, long wanpela stetmen i tok Atletiks PNG i wokim na tokaut long fainel lista we 55 em ol i kofemim pinis.

Gem bilong dispela ol etlit bai stat long Julai 14 na pinis long de namba 18.

Taim ol i tokaut long ol nem, Presiden bilong Atletiks PNG, Tony Green i tok tim i wok long kam gut tru long ol trening bilong ol, moa yet, tim bilong ol meri.

Mista Green i tok ol i bilip olsem tim bilong ol meri bai kamap strong na go pas long win long ol trek iven o pilai na tu, winim planti medol long ol sam na ol narapela moa.

"Yumi gat strongpela tim bilong ol meri. Na i no long ol dispela i gat nem husat i wok long kamap gut, tasol planti tu long namel na long distens pilai olsem ol pilai olsem Miriam Goije na Rama Kumilgo i wok long mekim gut stret."

Toea Wisil, Betty Burua na Donna Koniel i bin mekim gut long Oseania Sempionsip.

"Sharon Kwarula i bin kamapim rekot long abrusim taim em i bin gat long em pastaim long tripela pilai long dispela yia. Na ol tim bilong ol meri bai kam long ol narapela Pasifik kantri i wok long pret long PNG Meri tim," Mista Green i tok.

Rellie Kaputin i lukluk long kisim ol medol long tripela pilai sam. Em i wokim nesanel rekot long dispela yia long long sam na tripel sa, na em i go pas long dispela gem insait long Saut Pasifik.

Adrine Monagi i fevered long pilai Heptathlon na long namba wan taim, PNG bai lukim ol meri i stap insait long pilai, tromoi, we Sharon Toako na Jane Pulu bai go pas long en.

Long divisen bilong ol man, pilai hedels long 400m na 4*400m riley na ol midel distens pilai bai lukim ol man pilai i kam gut.

Mista Green i tok PNG i bilip olsem ol pilai bai mekim gut long ol trek iven we Debono Paraka bai go pas long pilai tromoi.

Em i tok em i hat long tokaut nau sapos ol PNG man tim bai kisim gol bikos ol strongpela pilai long 100m na 200m pilai bilong ol man em Banuve Tabakucoro bilong Fiji, tasol PNG nau i gat ol nupela pilai i ken mekim gut olsem Nelson Stone, Kaminiel Matlaun, Theo Piniau, Wala Gime, Kevin Kapmatana na Mowen Boino long 4*400m pilai.

Mista Green i tok insait long las tupela yia, PNG i wok long mekim gutpela go het long 800m na 1500m wantaim ol etlit olsem Matlaun, Martin Orovo, Andipas Georasi na George Yamak.

Em i tok pilai hedels bilong ol man i wok long kamap strong wantaim ol pilai olsem Mowen Boino, Wala Gime na Peniel Joshua.

Pilai sam bilong ol man, PNG i lukluk long Peniel Richard husat i soim olsem em i go strong long hai na tripel sam.

Long pol vol, ol pilkai olsem Karo Iga, Peniel Richard, Patrick Hou na Delilah Kami bai makim PNG long man na meri pilai. Ol pilai long pilaim dispela pilai i mekim trening bilong long Brisben, Australia.

Ol namel na long distens skwat i gat 22 etlit na tupela kosa long en i beis long Goroka na wokim ol trening long hap. Pastaim ol i bin wokim trening long 5-pela wik long Adelaide na Brisben, tasol ol i lukim olsem Nesanel Spots Institut long Goroka em i gutpela hap long trening long en.

Asisten menesa, Otto Wafia i bin joinim grup las wik long Goroka na em i amamas long gutpela tim spirit we ol disten rana pilai i gat.

Skwat bai stap long Goroka inap long Pasifik Gems i stat long mun i kam. Long wanpela tasol i stat long Jun 18, tim bai go long Lae long ol pilai resis prektis long pilai hedels.

Ol pilai sam na malti iven skwat i wok long trening nau long Southport long Gol Kois, Australia aninit long kosa dairekta, Sharon Hannan long Griffith Yunivesiti.

Kosa Naomi Polum na Subul Babo i bin joinim grup long hap.

Eitpela etlit bilong pilaim tro i wok long trening nau long PNG wantaim het kosa, Paul Bannister.

Ol Kopret sponsa i kisim nem rait long ol Gems veniu

GEMS Ogenaising Komiti (GOC) i amamas long tokaut olsem ol kopret ogenaisesen long PNG i putim han wantaim gavman long givim bikpela sapot long 2015 Pasifik Gems.

GOC i wok nau wantaim ol maketing dipatmen bilong ol kopret sponsa long lukim olsem ol i kisim inap save na kontributi gut long Gems.

Wanpela long ol em long givim ol tempereri (o long sotpela taim), nem long ol veniu taim Gems i stap long tupela wik.

Olsem na ol bai kolim Sir John Guise

Indo Stedium long PNG Power Dome, Taurama Aquatic Centre long BSP Arena na Sir John Guise Autdo Stedium long BSP Stedium.

Sif Eksekutiv Opisa bilong GOC em Peter Stewart, i tok sotpela taim nem taitel long ol veniu long taim bilong Gems i givim luksave long BSP Benk na PNG Pawa long gutpela sapot bilong ol bikos sapos i no gat sponsa bilog dispela tupela ogenaisesen ya na 20 narapela sponsa moa, em bai hat long GOC long gat ol kain gutpela fasiliti long ol pilai i pilai resis long en.

Mista Stewart i tok bihain long Gems, ol stedium na ol narapela veniu bai kisim bek nem stret bilong ol.

GOC i autim bikpela tok tenkyu i go long ol narapela sponsa bilong Gemms olsem Oil Search, Ok Tedi, Telikom, SP Brewery,

Puma Energy, JDA Applus Velosi, Brian Bell Homecentres, Air Niugini, EMTEK, Daltron, Petromin, MRDC, Steamships, Coca Cola, Fuji Xerox Business Centre, Hertz, Moore Printing, PMMI, PNG Ports na Nesanel Gaming Kontrol Bot.

Gems Baton riley lusim Milen Be na skruim wokabaut long Galp

Oil Search Pasifik Gems Rilei i bin pinisim wokabaut bilong em long Milen Be provins long las wik Fraide na i bin stap insait long Wol Enviromen De selebren long Dogura, Is Kep.

Wanpela helikopta bilong PNG Difens Fos i bin kisim riley tim i go long not kos bilong provins na pondaun long naispela ples Dogura we i gat bikpela katitrel o haus lotus tret long PNG ol i bin wokim long ol yia long 1930.

Ol lain long hap i bin redi na wet, na

taim Baton tim i pondaun long hap, ol i bin putim spesel so long histori bilong kamap long ol namba wan misineri na kirapim wok misin long hap.

Tu, Baton riley tim i bin bungim ol lain bilong namba wan PNG Gavana Jenerel, Sir John Guise na narapela gen, Sir Kingsford Dibela, em tupela bikman i stap long histori buk bilong PNG i kam long dispela eria.

Ol hauslain bilong dispela tupela bikman i bin ran wantaim riley tim.

Bisop bilong Dogura, Reveren

Tennyson Bogar i bin blesim Baton na Tim PNG na ol i bin go insait long haus lotu we ol i bin harim naispela kwaia bilong Dogura komyuniti.

Bihain long dispela, ol i bin askim Rilei tim lida, Tamzin Wardley long planim wanpela mango sid long makim Wol Enviromen De na tu, long tingim wokabaut na kamap bilong Baton long Dogura.

Pinisim wokabaut long Milen Be provins, riley i bin skruim wokabaut i go long Galp provins log Tunde Jun 9.



HOLY NAME:

Wanpela sumatin bilong Holy Name skul long Dogura i karim baton taim ol arapela sumatin i lain long welkamim tim na baton long skul bilong ol.

Ol Foto: MadNESS Photography

TURA STAILIM:

Tura i amamas long stap long Milen Be na em i traimek long Dogura ples balus.

WELKAM:

Singsing grup bilong Is Kep i welkamim Oil Search Baton na Rilei tim na kisim baton i go long solwara.



Hunters daunim Jets

SP PNG Hunters i mekim narapela histri gen taim ol i daunim Ipswich Jets long matmat bilong Hunters long Kokopo long las wiken.

Ipswich Jet i stap namba tu long lata na ol bin winim Hunters wanpela taim na Hunters i bin winim ol wanpela taim long las sisen. Long las wiken Hunters i mekim nupela histri gen long winim ol na tu winim ol long bikpela skoa lain.

PNG Hunters i winim namba wan tim long kompetisen Blackhawks long wiken antap na long dispela wiken em i daunim namba tu, tim long kompetisen long skoa 40-28.

Hunters i wok long stap long wankain pilai ol mekim taim ol i bin winim Blackhawks long Townsville long tupela wiken i go pinis. Ol bin kisim malolo long wiken antap na planti pilai bilong i bin kisim malolo na go pilai long Digicel Kap Klap bilong ol long givim strong long ol yet.

Dispela wiken bai Hunters i kisim Souths Logan Magpies long Pot Mosbi long traime nupela Sir John Guise Stadium long redi long Pasifik Gems opening long Julai 4.

SL Magpies i stap daunblo long poin lata na win bilong Hunter long wiken bai kisim kisim ol go antap long lata wantaim ol narapela tim antap.

Hunters i mas pilaim wankain level bilong pilai ol mekim long winim tupela top tim na poin difrens bai apim Hunters i go antap long leta.

North Queensland i winim Parrammata Eels wantaim 36-30 poin

NORTH Queensland Cowboys i go insait long 10 NRL win long ol lain wantaim stail, skorim 5-pela trai insait long 12-pela minit long winim Eels wantaim 36-30 poin long Parrammata.

Kam bihain wantaim 30-6 poin long namel long namba tu hap long Mande nait, no gat wanpela i lukim Cowboys i ran i go long win inap Johnathan Thurston i givim wanpela Gavin Cooper kep trik we i tanim ol Cowboysi bek long namba tu ples long leta bilong NRL.

Dispela 30 poin i wankain wantaim bikpela namba tri kambek long histori bilong kompetisen. Taim Cooper i tas daun tupela taim insait long tupela minit tasol, na namba tu trai i kamap taim Thurston i mekim stail long lek.



Cronula i winim Sydney Roosters wantaim 10-4 poin long NRL pilai long Shark Park

SKIPA bilong New South Wales, Paul Gallen i redi long kam bek long Stet ov Orijin taim em i no kisim wanpela bagarap insait long Cronula 10-4 poin taim ol i winim Sydney Roosters long Shark Park.

Long ai bilong 14,235 manmeri, Gallen i pilai olgeta tasol insait long 4-pela minit em i pilai gut na strong we i winim lewa bilong Blues kosa, Laurie Daley na bai i lukim em go bek gen

long tim taim ol i kisim nem long Tunde.

Tasol, taim Blues i kisim bek skipa bilong ol, ol sapota bilong Sharks bai i selebretim namba tu win bilong ol long dispela yia.

Rustas i mekim planti rong na ol i no pilai gut na dispela i givim sans long Kronula long putim ol penalti gol long 64 na 77 minit. Ol Kronula i win namba tu taim long tripela gem na stap long skoabot.

Cooper Cronk i aut long Orijin 2 long bagarap skru

HAF-bek bilong Queensland, Cooper Cronk, bai i no inap pilai long neks wik Stet ov Orijin gem 2 kles long Melben bikos em i kisim bikpela bagarap long skru bilong en.

Ol i ting em i no kisim bagarap tasol, Cronk bai i misim gem long olsem wanpela mun taim

em i sekim long haus sik long Mande na painim aut olsem wanpela masol bilong em long rait skru i bruk.

Pilaimeka bilong Menli, Daly Cherry-Evans bai i werim namba 7 jesi bilong Maroons taim Kwinnslen i redi long Orijin 2 long Jun 17.



Vipers stap long bikpela salens

i kam long bekpes

Gurias i kam bek long namba tu hap na taitim difens tasol ol i no holim bal gut na mekim planti asua na givim bal go long Vipers long namba wan takol. Na ol i painim hat long putim trai, maski ol i gat sampela sans.

Na Vipers Richard Kambo bilong Vipers i putim narapela trai na givim win long Vipers wanatim 14 na Gurias 10. Kik i no go insait.

Bihain long 5-pela lus, Vipers i bungim ol strongpela pilai man olsem SP Hunters fowot Sebastian Pandia, Richard Kambo, Samuel Koim na pastaim Kumul, Glen Nami long wik i go pinis agensim Lae Snaks Tiges na las Sande agensim Gurias.

Long wankain taim bilong dabol heda long las Sande, Goroka Lahanis i daunim strong bilong Galp Isapeas win long tupela poin.

Tait gem i kamap namel long Lahanis na Isapeas long stat bilong nambawan hap i go long pinis bilong gem.

Ol Isapeas i bin kisim teritori bilong Lahanis long planti taim bilong gem tasol ol i painim hat long kamap wantaim fomula bilong putim trai na apim poin. Ol Lahanis i lukim dispela pinis na i difendim gut poin bilong ol na win wanatim 2-pela poin tasol long fulatim wantaim 16 poin na Isapeas 14.

Isapeas i opim namba wan trai na kisim 4 poin. Lahanis i bekim wantaim wanpela na tupela moa tasol Isapeas i putim narapela gen na kisim poin go long 10 na Lahanis 16 long hap taim.

Ol Isapeas i kam bek strong long namba tu hap na planti taim ol i bosim teritori bilong

Lahanis wantaim strongpela difens tasol i no putim trai long kisim poin bilong ol go anap.

Bihain long 20 minit go insait long hap taim Isapeas putim wanpela trai na kisim poin go long 14. Kik i no go insait. Tupela tim taitim difens bilong tupela i go inap ful taim wantaim Lahanis 16 na Isapeas 14 long fainol wisil.

Tuepal tim wantaim stap long fom na difens na arek bilong tupela i wankain na mekim ol kraud i singaut. Ol Lahanis i lukim ol i gat palnti yanpela pilaia na 3-pela bilong ol em gred 12 sumatin.

Na long Noten Pool, Whagi Tumbe na Enga Mioks stap las long leda wan taim 4-pela poin na em i bikpela salens long tupela tim wantaim long wok hat long kisim ples long namba tu raun.

Kalabon bai stap yet hom graun bilong Hunters

PLANTI sapota bilong Hunters i kamap long wiken taim Hunters i pilai wantaim Ipswich Jets long Kalabon pilai graun long Kokopo.

Ol sapota i kam long kain kain kona bilong Is Nu Briten long lukim tim bilong ol PNG Hunters i bungim namba tu tim long leta bilong Kwins Kap Ipswich Jets.

Planti bilong ol sapota tu i ting olsem dispela bikpela pilai long Kalabon bai laspela pilai bilong ol PNG Hunters long hom graun bilong long Kalobon. Tasol tingting bilong ol i go daun long taim ol toksave long pilai graun olsem Kalabon bai hom graun bilong Hunters inap sisen i pinis.

Dispela toksave i go daun gut tru long ol sapota na dispela i mekim bikpela nois long Kalabon taim tim bilong ol Hunters i ran go insait long pilai graun.

Ol sapota i sapot na mekim skoa lain bilong Hunter i go bikpela taim toksave i go long iau bilong ol.

PNG Hunters bai pinisim olgeta hom gem bilong long hom graun bilong ol long Kalabon long dispela yia na bai ol bod bai lukluk long narapela hom graun bilong ol long Mosbi long yia i kam.

Kriket PNG kamapim program bilong ol yangpela meri

KRIKET PNG i kirapim kriket program bilong strongim ol yangpela meri (Girls Empowerment Through Cricket) o GET, long Amini Pak.

Dispela program i kamap long wok bung bilong Kriket PNG, Gavman bilong Australia na Intenesenel Kriket Kaunsil na em i bilong helpim ol yangpela meri i stap long hai skul long PNG.

GET Program i gat bikpela tingting long kisim moa yangpela meri long pilai kriket olgeta taim long PNG. Long wankain taim em bai givim ol skul toktok bilong ol yangpela meri long nutrisen o gutpela kaikai, fainensel literesi, kisim save long ol kain kain wok i stap na long lainim pasin bilong lidasip.

Kriket PNG i wok bung wantaim planti narapela ol non-gavman ogenaisesen long givim ol skul toktok na em i yusim ol meri kriket lain long givim ol klinik bilong kriket na long pilai resis.

Australia meri kriket sempion Alyssa Healy, i bin kamap olsem spesol ges long taim bilong opim, long makim Australia Wik selebren long PNG. Em i bin go wantaim Australia Hai Komisina long PNG, Deborah Stokes.

Hai Komisina Stokes i tok long taim bilong opim program olsem GET Program em i wanpela gutpela patnasip namel long Kriket PNG wantaim Australia Gavman na Intenesenel Kriket Kaunsil.

"Mipela i laik long lukim moa meri na ol yangpela meri long PNG long kam insait long dispela program. Spot em i gutpela bilong helt bilong yu, em i gutpela long komyuniti na

em i gutpela bilong ol yangpela meri na ol bikpela meri tru long strongim tingting bilong lukautim ol yet," Mis Stokes i tok.

"GET Program bai givim sans long ol meri i ken harim ol toktok bilong helt long bikpela we, na ol toktok bilong yangpela meri i gat

wankain namba olsem ol yangpela mangi na namel long ol man na ol meri," em i tok.

Pacific MMI PNG Lewas bai stap olsem ol gutpela piksa bilong ol yangpela meri long bihainim na makim kriket na kamap ol meri lida bilong PNG long bihain taim," Campbell i tok.

Australia Meri Kriket Sempion Alyssa Healy i tok strongim ol meri long we bilong spot wantaim ol nupela stail bilong PNG kriketa wantaim moa meri long pilai.

"Mi hop olsem dispela GET program bai helpim ol PNG meri kriket long kamap long



Ol Hai Skul Gels bilong Marianville na Jubilee na Gordons Secondary sumatin i sanap wantaim Hai Komisina Stokes na ol Kriket Opisa long Amini Pak kriket kots.

Wisil bai stap yet olsem BSP Bren Embeseda

KWIN bilong ran spit long Papua Niugini, Toea Wisil i wanbel gen long stap olsem bren embeseda long karim nem bilong BSP inap long tupela yia moa.

Toea i bin makim BSP olsem Bren Embeseda long 2012 i kam inap nau, na em i sainim gen agrimen long dispela yia taim em i wok long redi long 2015 Pasifik Gems.

BSP em i namba wan Opisel Sponsa bilong 2015 Pasifik Gems, na dispela toksave bilong sponsasip em i bringim nupela salens long dispela namba wan ran ran pilai spot meri na i apim nem bilong kantri.

Toea Wisil i bin winim gol medal pinis 5-pela taim insait long Pasifik Gems. Em i tok dispela sponsasip bai helpim em long kamapim stail bilong em long pilai na em i tok tenkyu long BSP long putim bilip long em.

Em bai ran long 5-pela pilai ran long 100m, 200m, 400m na tu long 4x100m na 4x400m.

BSP CEO, Robin Fleming i tok olsem BSP i stap yet olsem namba

wan nem bilong Papua Niugini long mekim yumi gat gutpela tingting long ples bilong yumi.

"Mipela i amamas long helpim Toea wisil olsem Bren Embeseda inap long tupela yia moa," Mista Fleming i tok.

Wisil i bin apim nem bilong PNG long planti yia na planti i save lukim em olsem wanpela gutpela piksa bilong ol narapela lain i bihainim lidasip bilong em insait long Tim PNG na BSP, na em i gutpela piksa long Pasifik Gems.

"Mipela lukluk long helpim ol pikinini na ol yangpela bilong kantri bilong mipela na long Pasifik. Em ol i makim bihain taim bilong mipela na mipela i mas givim ol gutpela tingting bilong bihain, helt na sans olsem na mipela i wanbel long sapotim Wisil long mekim gut pilai bilong en," Mista Fleming i tok.

Wisil em i namba wan meri long kantri long kisim bikpela nem long spot bilong ran, na strongpela tingting na wok bilong em long dispela spot i mekim em long kamapim nem insait long Pasifik rijon.



Toea Wisil, namba tri meri sanap long lephan i sanap wantaim ol sanels tim bilong BSP soim laki pinga

LINKING YOU TO MT HAGEN, TABUBIL & KIUNGA.*

Tuesday: Lae - Mt Hagen - Kiunga - Tabubil - POM
Thursday: POM - Tabubil - Kiunga - Mt Hagen - Lae

* New route commences June 06, 2015.
Call toll free on **180 5465** visit www.airniugini.com.pg
or contact your nearest Travel Agent.





1



2



3



4

Ol poto: Nicky Bernard



5



6

- 1 Pilaia bilong Tigers i kisim strongpela takol long pilaia bilong Megpies long AFL pilai bilong ol long Yuni pilai graun. Megpies i winim Tigers.
- 2 Goroka Lahanis pilaia i takolim pilaia bilong Isapea taim wanpela pilaia bilong em i ran long kam sapot. Lahanis i winim Isapea 16-14.
- 3 Fowod bilong Gurias i mekim wanpela strongpela ran taim senta bilong Vipers i stopim em. Vipers i win 14-10
- 4 Winga bilong Vipers i traim long abrusim tupela Rabaul Gurias tasol i no inap. Vipers i winim pilai bihain long 5-pela lus bilong ol long sisen.
- 5 Ol liklik ragbi pilaia bilong bihain. Ol bin pilai raun long Murray Bareks pilai graun taim Digicel Kap resis i pinis.
- 6 Tupela brata ya i save pilai long tupela tim long Digicel Kap resis. Tupela wantaim tu i save soim wankain pilai long klap bilong tupela.



IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA Tuna



Emi tuna
bilong PNG



Manufactured by



RD Tuna Canners Ltd.


Moa mit na
oil insait



TUNA IN OIL

Vipers stap long bikpela salens

Tiket bilong SP PNG Hunters Gems raun 14 i stap nau long Stop N Shop



Stanley Nondol i raitim

PORT Mosbi Stop and Shop Vipers i rejista long namba wan win agensim Agmark Rabaul Gurias las wiken long Murray Bareks long raun 8 bilong Digicel kap resis tasol i gat bikpela pret sapos ol bai stap long namba tu raun bihain long tupela wik taim.

Dispela em wanpela bikpela salens bilong ol kepitel siti boi nau stap las ples long leda long 6 poin long lsten Pool wantaim Gulf Isapeas bihain long 5-pela lus na tupela bai. Ol kisim 4-pela poin long bai. I gat tupela moa gem long ol pinisim namba wan raun. Dispela Sande agensim Galp Isapeas na wik antap wantaim Lahanis.

Long las wik Sande i lukim Vipers putim strongpela pilai agensim Gurias wanataim tupela trai i kam long winga na pastaim pilaiman bilong Guria, William Aquila long namba wan hap na sanapim Vipers long 10 poin na Gurias nil long hap taim long ai bilong planti tausen manmeri na pikinini.

...lukim moa log pes 25

TIKET bilong gem o pilai namel long SP PNG Hunters na Souths Logan Magpies long Sir John Guise Stadium long dispela wiken i stap nau long olgeta Stop N Shop long Pot Mosbi. Ol tiket bai salim tasol long stoa na bai ol i no inap long salim long get.

Em bai kosim K25 long ol sia long ausait na K35 long ol sia insait long men gren sten. Dispela prais em inap long ol manmeri i ken baim na go lukim pilai we bai kik ov long 7kilok nait long Sarere Jun 13.

Ol get bai op long 4 kilok apinun long ol manmeri na pikinini long go kisim gut ples bilong sindaun long lukim pilai bai kik ov stret long 7kilok.

Popula musik man Jokema bai pilai laip bipo long pilai i kik ov long amamas ol manmeri na pikinini long redi long sapatim tim bilong ol Hunters.

Dispela pilai bai namba wan taim ol pipel long Mosbi, Sentral na Gulp bai gat sans long lukim SP PNG Hunters bai pilai long Pot Mosbi.

Ol tiket bai stap long Stop N Shop Sentral Waigani, Not Waigani, Renbo, Taun, Boroko, na Badili. Dispela ol hap em Stop N Shop i stap long en.



Senisim long Sensi

Next time you change your baby, change to Sensi Diapers.

Good Products, Better Prices, ikam long

Johnstons Pharmacies Ltd

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg